


с
М-80
30137

СЕРГЕЙ МОРОЗОВ



Летом к
радио

КОМИ КНИЖНОЙ ИЗДАТЕЛЬСТВО · 1963



СЕРГЕЙ МОРОЗОВ

Летом к
радио

ОЧЕРКЪЯС
ВИСЬТЪЯС

30134

КОМИ КНИЖНОЙ ИЗДАТЕЛЬСТВО

1 · 9 · 6 · 3

«Лолыд кӧ радлӧ»—Сергей Морозовлӧн первой сборник, кытчӧ пыртӧма мян талуныя олӧм йылысь очеркъяс да висътыяс. Тайӧ гижӧдъясыс петкӧдлӧны писательлысь творческӧй туйсӧ. Аслас гижӧдъясын автор рисуйтӧ дзулькӧн пуысь олӧмысь серпасъяс, петкӧдлӧ колхозно-совхознӧй сиктса труженикъясӧс, лесникъясӧс, шахтӧръясӧс, советскӧй интеллигенцияӧс, налысь духовнӧй мирсӧ, мечтаяссӧ да моральнӧй чертаяссӧ.

Мян олӧм быд лун гырысь ӧдъясӧн муӧ водзӧ. Та вӧсна, дерт, ӧткымын геройяс, кодъяс йылысь лои гижӧма очеркъяс куим, нель либӧ дас во сайын нин,—тайӧ кадколастас ёна вежсисны либӧ вежсисны уджалан местаяссӧ. Тайӧс тӧд вылын кутӧмӧн ми вежлалим геройяслысь нимъяссӧ либӧ овъяссӧ ӧткымын очеркъясын.

Тайӧ нейджыд книга йывсыс ассыныд отзывъястӧ ыстӧй ташӧм адрес кузя: Сыктывкар, Печать керка, Коми книжнӧй издательстволы.

НАЙӦ ВИДЗӦДӦНЫ ВОДЗӦ

Койгородскӧй леспромхозса контораӧ ме пыри субӧта лунӧ стӧч куим часын. Контораын уджалысьяс муналісны нин гортаныс. Аски шойччан лун — контораын манитчыны некор. Здук мысти контораӧ коли сӧмын ӧти ёрт, кодӧ зунысис печатайтчан машинка дінын. Тайӧ вӧлі зэв на том морт. Сы вӧсна ме эг кодъ эскы, кор сійӧ здоровайтчыны нюжӧдіс кисӧ да шуис:

— Александр Алексеевич Арбузов, инженер...

Менам шензьӧмӧй ещӧ содіс, кор тӧдмалӧ, мый тайӧ том мортыс коймӧд во уджалӧ леспромхозын. «Кор сӧмын удитӧма помавны лесотехнической институтсӧ?..» — ас кежысь мӧвпалӧ ме.

Сёрниысь тыдовтчис, мый Александр Алексеевич Арбузов — тӧлка да скромнӧй инженер.

— Тіянӧс интересуйтӧны миян леспромхозса рационализаторьяс? — менам юалӧм вылӧ вочавидзис сійӧ. — Эмӧсь сэтшӧмьясыс. Ыджыд удж найӧ вӧчӧны. Ме вот рекомендуита тӧдмасьны Николай Васильевич Пантелеевкӧд — миян леспромхозса медбур да медся активнӧй рационализаторкӧд. Николай Васильевич бӧрья дас вонас унатор вӧчис рабочӧйяслысь удж производительность кыпӧдӧм кузя. Сӧмын кольӧм 1958 воӧ сійӧ сетис дас сайӧ рационализаторскӧй предложение. Найӧс олӧмӧ пӧртӧмӧн государстволы ми экономитім сӧ тысяча шайтысь унджык. И предложениеясыс сылӧн бурӧсь: паровозьясӧс заправитны выль водокачка, пес кыскалан транспортёр, лесотаска вылын ведущӧй звёздочка-яс, паровозьяслысь цилиндрьяс расточитӧм вылӧ станок, улыс складын вӧр ректӧм да штабелюйтӧм

вылө блокъяс, электромоторөн уджалысь центробежной насос...

Александр Алексеевич друг лантыс.

— Колө веськыда шуны со мый йымысь,— недыр мысти водзө нуөдіс сійө.— Ми, инженеръяс, мукөд дыр-йиыс век жө скептикъяс. Мыжаөсь тшөтш и Пантелеев водзын. Эг өтчыд ми падмөдлөй рационализаторлысь инициативасө, эгө эскылө сылы. А сійө эз энөвтчыв аслас көйсйөмъясысь. Со кольөм вося случай, код йылысь весиг абу лөсьыд казтывнысө.

Миян улысса складө экспортной пиловочной да строительной вөркөд тшөтш воө вель уна пипу... Пипу — пипу и эм! Кытчө сійөс, мый вылө? Пыжъяс вөчавны? Да сійө пипу вөрсыс позьө вөчны сы мында пыж, мый некытчө найөс лөө воштынысө...

И вот, Пантелеев ёртлөн ёсь синъясыс казялөмаөсь тайө пипуяссө, кодъяс некодлы оз ковны да сөмын мешайтчөны улысса складын.

— Александр Николаевич, вай пипу вөрсыс пөлезнойтор кутэм вөчны,— шыөдчис Пантелеев миян главной инженер дорө.

— Мый, например?

— Керкаяс вевттьөм вылө дранки.

Рационализатор воис технической отделө. Дерт, ми ставөн бура кывзём, но сылөн висьталөмыс миянлысь сьөлөмъяснымөс эз вөрзөд.

Но рационализаторыд эз лэдзчысь. Коли мыйтакө кад. Пантелеевлөн предложение йымысь ми удитём нин вунөдны. Но өтчыд сійө бара воис технической отделө, шыөдчис:

— Қора ставнытө мастерскойө.

Сэни Николай Васильевич петкөдліс миянлы станок, кодөс вөчөма аслас киясөн. Станок вылө сійө ипользуйтөма пес поткөдлан станокысь кык көлеса, а став мукөд частьяссө вөчөма швеллерной көртысь.

Включитём ток. Станок быттьө ловзис. Матыстисны пипу брус, йөткыштисны сійөс жөлөбөд станокө... и сөтысь кутисны петны кузьмөс пирөгъяс кодь дранкияс. Сменаын кызь тысяча дранка! Тайөн позьө вевттьыны сө ветымын квадратной метр керка вевт. Дранкияссө кө пропитаитны особой растворөн, керка вевт вылын найө кутчысясны қомын во...

Татшөм бур рекомендація бөрад меным эз нин вөв сьөкыд төдмасыны Николай Васильевичкөд.

Николай Васильевич Пантелеев дас квайт арөссиян уджалө вөрын — уна пөлөс уджъяс вылын да уна местаын мяян помтөм коми ягъясын. А өні сылы кажитчө, мый быттө сийө нэмсө нин тани, Сьыктыв йылын. Николай Васильевич син водзын вежсисны вөрын олөм, техника, кыдзи вежсисны и йөз тайө кадас. Но сийө абу сөмын олөмын гырысь и посни событияслөн свидетель. Сийө — буретш на лыдысь, кодъяс асланыс сьөлөмөн чувствуйтөны олөмсө, кылөны сылысь пульссө да зильөны век выльмөдны сийөс, содтыны сылысь коммунизмө восьлалан өдсө.

Николай Васильевич — морт скромной, оз радейт ошйысьны, и өдвакө сийө коркө кодлькө висьтавліс сы йылысь, кыдзи чужлісны сьмөн вежөрас мөвпъяс, кодъяслы доныс абу, кыдзи тайө мөвпъясыс сьлөн аслас да өртъясылөн зарни киясөн пөрліны станокъяссө, оригинальной блокъяссө, транспортёръяссө да уна пөлөс мукөд механизмъяссө, кодъяс долженөсь отсавны содтыны луннысь-лун кубометр лыд да чинтыны налысь дон.

Сөветскөй государство аддзө да кужө донъявны народной талантъясөс. И со сьлөн морөс вылын Трудөвөй Красной Знамя орден.

Николай Васильевичлөн эмөсь медальяс да орденъяс и Великой Отечественной война фронтъяс вылын участвуйтөмысь.

— Фронт, война... — казътывлө өні сийө. — Сэки страналөн судьбаыс решайтчис. Быдөн героическөя тышкасис враглы паныд... Но ме нелямын коймөд воын ранитчи да петі стройысь... Зэв жаль, эз удайтчы воыны Берлинөдз.

Армияысь демобилизуйтчөм бөрын Николай Васильевич бөр заводитө уджавны ремонтно-механической мастерскойса начальникөн, велөдчис паровэса машинистъяслөн курсъяс вылын, уджаліс машинистөн, механикөн улыс складын, а өні рационализаторской бригадаса член. И быдлаын сьлөн творческой мөвпыс уджаліс мудзлытөг.

— Мукөд дырйыс кажитчө: тайө либө мөд участокын абу поэяна экономитны весиг өти шайт, — водзө висьталіс Николай Васильевич. — А кор бурджыка видзөдлан да төдмасын, — вөлөмкө, поэю. Босьтам көть

улысса складын сцепьяс вылысь хлыстьяс ректõм да керьяс штабелюйтõм. Тайõ уджыс сьõкыд. И тані мян мыйкõ эз клеитчы. Тайõс аддзисны и тõдисны не сõмын техническойõ отделса работникьяс, но и быд рабочõй. Ми сідз жõ думайтлім та йылысь: кыдзи эськõ бурмõдны тайõ уджсõ.

Колины луньяс, вежоньяс. Ми век думайтїм, вõчалїм чертёжьяс, видзõдїм уджалысь механизмьяс бõрся. Весиг ёнакодь дõзмõдльвлїм õткымын ёртьясõс.

— Мый тї пыдõстõм бõчкаõ васõ помтõг кисьтан-ныд?— скõрысь шульвлїсны мянлы.

— Но мянлы век жõ удайтчис бõчкасõ пыдõсавны: лои лõсьõдõма оригинальнойõ блокьяс. Тайõ бырõдис улысса складын простояс.

Татшõм фактьяссõ Николай Васильевич, вõлõм, тõдõ уна.

Сылõн став трудõвõй биографияыс татшõм: помтõм корсысьсõмьяс, лунысь-лун велõдчõм.

...Дас квайт арõс. Кын вõжжи да плеть, йи туй вылын ямщик. Тõвся пурьясянінын рабочõй; вõрын пõрõдчысь; шпалорезкаын рулевõй; трактористлõн отсасысь; курсьяс вылын велõдчõм бõрын йи туй вылын тракторист. Тадзи воысь воõ. 1953 восянь Николай Васильевич РММ-са начальник.

Татшõм олан туйыс знатнõй лесник Николай Пантелевлõн. А нуõдны кõ тайõ туйсõ мян республикаса карта вылын карандаш визьõн, то сійõ заводитõ Часовосянь, сысянь визьсõ колõ нуõдны Лõкчимõ, сесся Усть-Куломõ (трактористьяслõн вося курсьяс), тасянь — Койгородокõ, кõні сійõ уджалõ кызь кык во. Тані Николай Пантелеев трактористсянь быдмис механик-рационализатордз.

Николай Васильевич сьõлõмсяныс висьталõ талун:

— Ме ногõн, олõмын шуд позьõ шедõдны сõмын бур уджõн, созидайтõмõн. Таысь ыджыдджык шуд абу, дай оз вермы лоны. Шудаõсь целинникьяс, кодьяс вõчисны первой бõрõзда овтõм муяс вылын; шудаõсь Ленин нима Волжскõй ГЭС стрõитысьяс, кодьяс кõртвомалїсны природалысь выньяс; шудаõсь найõ, кодьяс вõчисны му гõгõр кытшлалысь искусственинõй спутникьяс, тõдмалїсны космослысь тайнаясõ. Шудаõсь и ми, рабочõй-рационализаторьяс. Мян эм асланым неыджыд пай коммунизмлы материально-техническойõ подув лõсьõдан

делöын. Но ми кöсьям лунысь-лун, воысь-во ыдждöдны тайö пайсö, отсавны мяян леспромхозса бригадаяслы тышкасьны коммунистическöя уджалысь бригадаяслысь ним шедöдöм вöсна.

1959 во.

НЫВКА ВÖРЫН

Саня Буткиналысь нимсö первойысь ме кывлі лыжнöй ордйысьöмъяс вылын.

— Саня! Давай, давай!

— Санечка! Жмитыштлы!— горзисны сымы тöдсаяс финиш дорын, зилисны отсавны нывкалы медбöртя секундаясын.

Саня и збымысь жмитис. И первой места лои сы сайын. Фотографьяс щелкайтисны аппаратьясöн, корреспондентьяс мыкö гижисны асланыс блокнотьясö. Тайö вöли Саня Буткиналөн, фельдшерско-акушерскöй школыса велöдчыслөн, лыжи вылын первой победа.

Том физкультурница водзö совершенствуйтис ассьыс мастерствосö. Та бöрын не öтчыдысь ещö дорйылис лыжнöй ордйысьöмъясын аслас школылысь да «Медик» обществолысь честьсö.

Опытнöй тренерьяс казялисны: том нывкаысь артмас способнöй физкультурница, зилисны отсавны быдмыны сымы. Öткымынъяс весиг сöветуйтисны дзикöдз вежны профессиясö. Сöмын Саня татшöм сöветьяссö эз примет, ыджыд кöйсöмөн босьтис знаниеяс аслас специальность кузя. Но эз энöвт и лыжнöй спорт.

Воис 1951 вося тулыс. Мунисны выпускнöй экзаменьяс. Саня Буткина босьтис Сыктывкарскöй фельдшерско-акушерскöй школа успешнöя помалöм йылысь диплом. Сийö — фельдшер-акушерка.

Том фельдшерьяс, акушеркаяс, медицинскöй сестраяс волнуйтчöмөн сёрнитисны ас костаныс, кутшöм районын, кутшöм сиктын заводитны трудöвöй олöм. Тайö сёрниясас эз участвуйт сöмын Саня Буткина. Сийö важөн решитис мунны аслас чужан районö — Удораö. Сэни сийö быдмис, велöдчис, сэни сылөн тöдсаяс да ёртьяс.

— Тэныд сэни спорттö лоö вунöдны,— шулисны Санялы тöдсаяс.— Ъстасны вöрö, лесопунктö либö ичöтик сиктö. Кутшöм сэни вермас лоны спорт?

Та вылө Саня нинөм эз вочавидзлы. Сылөн вөліны аслас мөвпъяс, аслас планъяс.

* * *

Ыджыд Яг мастерскöй участок сулаліс Мезень ю шуйга берегын. Участоклөн посёлок абу ыджыд. Берег пöлөнүн кымынкö общежитие, контора, магазин, столöвöй, клуб пыдди — неыджыд гөрд пельöс, мукöд стрöйбаяс. Тасянь 10 километр сайын лунвывланьын эм мöд мастерскöй участок — Усс-ву.

Ыджыд Ягсянь Усс-ву лесоучастокö ми мöдöдчим öти рабочöйкöд, коді ветлöма аслас делöясөн Косланö. Удорскöй ягъясын ме вöлі первойысь на, и сійö радпырысь тöдмöдіс менö выль местаясөн. Вөр заводитчис Мезень ю дорсянь, быд километр бöрын сійö ёнджыка и ёнджыка сукмис. Попутчиклөн вöлі ружье, но сійö мыйкö омöля интересуйтчис прöмысөн: пырджык варовитіс.

— Тэ мыйла ружьесö босьтін? Гашкö, кытчöкö туйсьыс кежавлыны думайтан?— юалі ме сылысь.

— Ружьеөн ветлыны гажаджык. Мукöд дырйи сійöс он босьт сьöрсыйд туяд да, кызди нарошнö, пöткаяс сідзи и ныр улад пуксьöны. Быттьö тöдöны: повны нинöмысь. Талун со ружьеöй сьöрысь, но öти пöтка эг на аддзыв,— вочавидзис сійö.

Вуджим неыджыд шор, коді арнас паськыда ойдлöма да öні гөгөр бырöдалöма. И кор, шорсö вуджём бöрын, кутім кайны неыджыд чой паныд, друг мыйкö го-раа чушнитіс, сэсся пуяс вылысь гылалісны öшійöм лым пластыяс. Туй вомөн миянсянь кымынкö воськов сайын ньöв моз лыйыштіс мыйкö сьöд нисьö руд. Менам ёрт чеччыштіс туй бокö, ме — сы бöрся.

— Лола, лола!— горöдіс менам попутчик.— Со кöні вöлöма, морыд! А менам разрешение эм öти лола вылö.

— Мыйла нö эн лый?— серöктöмöнмоз юалі ме.

— Эг удит, да и повзöдіс, морыд! Гырысь звертö век колö казавны водзджык. Сэк вермас лоны удача. А кор сійö ачыс аддзö тэнö водзджык, артмö со татшöмтор: повзян да шöйöвошан.

Чой йывсянь ми здук мында видзöдім, кызди лола, вожа сюръяссö мыш бердас топöдöмөн, пуля моз вуджис паськыд нюр вомөн, ас бöрсяыс колис сöмын тшын-бус.

Йора, буракө, торкис настроениесө менам попутчиклысь. Сійө бура дыр кезлө ланьтис. Гөгөр вөлі чөв-лөнъ. Парма сулаліс спокойнөя. Весиг төвру эз вөрөд пуяслысь туганъяссө, эз жуглы увъяс вылысь көдзыдөн кыём узоръяссө.

— Мыйкө тай гажтөммин?— дырөн шыаси ме.

— Ті төдсаөсь миян участокса мастерьяскөд да станхановецьяскөд?— мудера кодь ме вылө видзөдлөм бөрүн воча юалис попутчик.— Тэ со газет редакцияын уджалан. Тэнө, төдөмысь, интересуйтө бурыс и омөлыс миян уджын да олөмын. Став йывсьыс газетө гижад. Гашкө, критикуйтны кутан...

Ме вочавидзи, мый медсясө интересуйтча культурно-бытөвөй впросъясөн.

— О, сідзкө, тэныд ковмас төдмасьны миян фельдшерикакөд. Сійө культуранад да бытнад медся ёна занимайтчө. Некодлы покой оз сет. Ті сыкөд абу на төдсаөсь? Сійөс шуөны Саня Буткинаөн. Том на, но зэв сюсь нывка, и делөсө төдө. Неважөн вөлі татшөмтор. Оти войө чорыда висьмис миян сиктса нывбаба-сезонница. Қорим фельдшерикаөс. Сійө видлаліс, мерайтис температура, сёрнитыштис висьыськөд, сетис кутшөмкө порошокъяс, а сэсся ачыс петис ывлаө. Ме тшөтш петі сыкөд. Саня Буткина сувтис аслас лыжияс вылө.

— Саня, кытчө тэ сьөд пемыд войнас?— юали ме.

— Қосланөдз,— дженьыда вочавидзис сійө.

— Вөвъяс эмөсь, доддялам.

— Ме веськыда муна да, пөжалуй, воа өдийджык. Мед йөзыс шөйчасны.

Кадыс вөлі куим час асыв. Поводьяс заводитис гудрасьны. Ме ещө кори Саня Буткинаөс мунны вөлөн либө виччысьлыны югдөмсө. Но сійө вочавидзис, мый югдигөн Сыктывкарысь должен нин кыпөдчыны санитарной самолёт да локны висьысьла.

Збыль, сідзи и лон. Дас час асылын висьысьөс ми пыртим самолөтө, а нель час мысти, кызди висьысь висьгаліс бөр локтөм бөрас, сійөс водтөдөмаөсь Сыктывкарын операция вылө. Главной врачыс шуөма: ещө кө пө час-мөд эз вайны висьысьөс, то спаситны сійөс эз нин позь. Дерт, важ пөраө кө татшөма висьмөм бөрад ковмис мөдар югыдө мунны, а сійө и өні ловъя да здоров.

Ми бара чөв ланьтөмөн мыйкө дыра восьлалім вөр туй кузя. Кор туйыс мөлдөдчис кузькодь чой паныд, ме нам пөпутчик друг горөдіс:

— Кеж! Видзчысь!

Ме первойсө немтор эг гөгөрво. Думышти: бара йөра котөртө. Виччыси лыйөм шы. Но кылі орччөн горөдөм:

— Тьфу! Саня, тайө тэ? Ме тэно муртса йөра пыди эг лый.

Миян дінө лыжи вылын матыстчис спортивнөй костюма, шөркодь тушаа, көдзыдысь банийөм чужөма том ныв. Вежливөя здоровайтчис. Сылөн бокас өшаліс санитарнөй сумка.

— Миян фельдшерица,— рекомендуйтіс пөпутчик. көть эськө ме и сідзи нин гөгөрвои, коді тайө нылыс.

— Кытчө ветлін, Иван Фёдорович?— юалис фельдшерица.

— Леспромхозө корлісны. Курсыяс вылө көсийоны ыстыны. Мастерө тшөктөны велөдчыны,— быттө неуна яндысиг вочавидзис Иван Фёдорович.

— Зэв бур,— шуис ныв, сэсса друг юалис:— Иван Фёдорович, мыйла тэ ассыд обязанностьястө лёка кутін выполняйтны?

— Кутшөм обязанностьяс, Александра Васильевна?

— Вунөдін нин? Тэно санитарнөй комиссияө бөрийлісны.

— Эг вунөд, Александра Васильевна.

— Вот мый, Иван Фёдорович,— шуис сэсса ныв.— Аски рыт ме локта пөрөдчысыяскөд беседа нуөдны. Чу көрт найөс удж бөрад.

— А мыйла не талун чукөртны?

— Талун ог эшты. Колө ветлыны Ыджыд Ягса яслиө, сэсса меным колө мунны Косланө, нуны передвижнөй библиотекаысь лыддьөм книгаяс да вайны выльясөс.

— И пыр аслад пара вылын?— индіс Иван Фёдорович лыжияс вылө.

— А мый?— паськыда нюммуніс нывка.— Найө менө некор оз подведитны.. Но, аскиөдз, Иван Фёдорович,— юрнас муртса довкнытышти ныв да вөрзис места вьевсьяс.

Ме, дерт, төді: тайө вөлі Саня Буткина. Нель воөн ныв пөшти абу вежсьөма.

— Эстшөм нывка! Шуас — быттө өгырөн сотымш-тас,— ылыстчысь фельдшерица вылө видзөдіг кыпыда

шуис Иван Фёдорович.— Сюри ме сылы кипод улас, лолыштны оз сет. Вєськыда кō шуны — правильнō дей- ствуйтō. Оз на и дыр мянын уджав, а санитария бок- сянь лōсьōдїс пōрадок. Шензян мукōд дырїиыс: кыдзи сїйō быдлаō тырмō? Быд пельōсō нырсō суйлас, быдлаō волас. Мастерлы да меным спокой оз сет, пыр ѳтитор да мōдтор тшōктō лōсьōдны: тайō пō профилактической мераяс. Сїйōн и радейтōны Александра Васильевнаѳс мянн рабочōйяс.

Усс-ву берег дорō матыстчōм бōрын ывлаыс югдыш- тїс. Тадзи век овлō сук пармаысь эрд вылō петōм бōрын. Ю ѳтар-мōдарын сулалїсны мича пожōмьяс.

* * *

Кор ме первойысь пыри лесоучастокса медпунктō да видзōдлї гōгѳрбок, тайō шемѳсмōдїс том фельдшерицаѳс.

— Дзєскыдджык неуна,— шуис сїйō да, кажитчō; таысь ас вылас кōсийс босьтны мыжсō.

А мый сєнї дзєскыд вōлї — сїйō збыль.

Медым не дзєскōдны рабочōйяссō, фельдшерица и медпункт, и аслас квартира улō босьтїс общежитїеысь ѳти комната, паськыд прōстыняясōн юкис сїйōс кык пельō. Та вōсна медпунктō пырōм бōрын, пōжалуй, тōд- тōм мортлы сьōкыд вōлї казавны, мый тайō жō комна- таас олō и ачыс.

Кадыс вōлї приємнōй, но висьысьяс некод эз вōвны. Ме та вылō индї фельдшерицалы.

— Тї кōсьянный, медым мянн вōлїны уна висьысь- яс?— нюмунїс Буткина.— Ми сы вылō и эмōсь, медым тышкасьны висьōмьяскōд. И медводз профилактической мераясōн.

Кодкō таркнитїс ѳдзсō. «Со и висьысь»,— думыштї ме. Комнатаѳ пырис ар дас сизима том морт. Сылōн чужōмбаныс да гажа синьясыс некутшōма эз висьтав- ны висьōм йылысь.

— Кутшōм могōн, Вася? Кодкō висьмис?— небыд гōлōсōн юалїс фельдшерица.— Гашкō, асьтō лēка чув- ствуйтан?

— Некод эз висьмы, Александра Васильевна, и ачым здоров. Книга колō вежны. Тї жō талун выль книгаяс ва- йинныйд.

— Вайи. Но краснōй уголокō локта приємнōй часьяс помасьōм бōрын.

Недыр мысти ми ськөд вөлім нин краснөй уголокын. Неыджыд комнатаын пызан сайын пукалісны морт дас том йөз: өтияс лыддисны газетъяс да журналъяс, мөдъяс ворсісны шахматөн. Көймөдъяс сёрнитісны ас костаныс. Фельдшерицалысь пьрөмсө казялөм бөрын ставөн сувтісны. Позьё вөлі гөгөрвоны: тайё минутаяснас Саня Буткина Ыджыд Ягса вөр лэдзъсыяслы — библиотекарша. А воасны мукөд минутаяс, сійё лоө агитаторөн, лекторөн, художественнөй самодеятельность кружокса участницаөн, лыжнөй командаын инструкторөн.

Воссис библиотечнөй шкаф. Медводз матыстчис буретш сійё Васяыс, коді кымынкө здук сайын воліс медпунктө. Меным Буткина висьталіс нин, мый Вася — бур производственник, прөст кадө оз вермы овны книгагастөг. Вася мыччис библиотекаршалы Юлиус Фучиклысь «Казнь водзвылын кыв» да Г. Николаевалысь «Вундан дыр».

— Кыкнансө лыддин? — юалис Саня Буткина.

— Лыдди, — вочавидзис Вася.

— Но и мый, кажитчис?

— Ок, кутшөм морт вөлөма тайё Фучикыс! Көрт воляя коммунист, герой. Ставлы колө лоны сэтшөмөн!

Буткина вежис книгагас морт көкъямыслы, быдөнкөд дженьыдика беседуйтіс лыддьөм книгагас йылысь, быттьө нэмсө уджалө книгагас дорын.

Позьё эскыны, мый том фельдшерицаөс водзын виччысьёны уна бур уджъяс, ыджыд олөм.

1953 во.

ЛОЛЫД КӨ РАДЛО

Алексей Иванович Зезегов — төждысысь сьөлөма морт. Сійё некор эз төдлы да и эз корсьлы лөнь места, көні эськө позис налим моз куйлыны бок вылын. И кор, том каднас на, Надеждинскын пес кералис, и кор ас сиктас первой комсомолецөн лоис, и кор зептас партбилет кутіс новлөдлыны, и кор дорыс Рөдинаөс фашистьясысь, и кор уджаліс райфоын, райпотребсоюзын да мукөдлаын — пьр вөлі йөз пөвстын да йөзкөд, век вөлі дзулькйөн пуысь олөмас, выль вөсна тышкасысьяслыдын.

Оти кывйён кө, партия, райком индывліс коммунист Зезеговёс сэтчө, кытчө колө вөлі опытной ки да вежөра юр.

Алексей Иванович, кыдзи Усть-Куломскөй партия райкомса инструктор, пөшти вит во чөж кадысь кадө «уполномоченноявліс», ветлөдліс өти колхозсянь мөдө да кыдзи ассьыс вит чуньсө төдіс сиктса олөмысь став сьөкыдлунъяссө. Төдіс, но вөчны нинөм эз вермы — выньяс эз тырмыны. И друг — видз-му овмөс кыпөдөм кузя ЦК-лөн сентябрьскөй Пленум.

— Да, виччысим ми тайө решениеяссө, — казтьылө өні Алексей Иванович. — Сэтысь быд кыв, быд пункт йиджис миян сьөлөмөдз. Ми эскам наө. Найө миянлы ёна колісны.

Усть-Куломскөй район миян республика шөрын, весиг лунвыв юкөнас на сюрө. Сиктьяс пуксялөмаось муса Эжва ю пөлөн, а сідз жө сылөн притокъяс пөлөн, кодъяс визувтөны район пасьта. Мусин тані абу кулитана, а видзяс — тулыс-гожөмын сөмын любуйтчы наөн, ставыс ойдлөны, быд во турунаось. Няньлысь, овощилысь бур урожай быдтөм вылө тані став условиеясыс век вөліны, да и талун некытчө эз вошны.

Но ветымынөд вояс заводитчигөн на районса уна колхозной кассаясын вөлі тыртөм, кыдзи шуласны, көть мачөн ворс сэні. «Уполномоченной» Зезегов пөшти быд колхозө волөм бөрын ас кежас мөвпаліс өти и сійө жө тор йылысь: «Став лёкыс сыын, мый ныртшыкыслөн, юрнуөдысьыслөн местаыс тыртөм. Найө эмось, но найө — абу найө, кодъяс колөны. Налөн усырьясыс слабось: зэвтчыштасны кө — и орасны...»

Воис кад бөрийыны председательсө и Ленин нима колхозын, Носим сиктын. Тайө вөлі 1956 вося апрельын. Общөй собрание вылын колхозникъяс быгтьө джуджыд керөс йывсянь исковтөдісны ассьыныс вөвлөм председательсө бокө сідзи, мый, дерт, сылөн сьөлөмыс ыркнитліс. Исковтөдісны и мөдөс, кодөс носимсяяслы ыстылісны вылісянь.

— Миянлы Алексей Иванович Зезеговёс, а сэсса некод оз ков, — друг сибдөм гөлөсөн горөдіс кутшөмкө пөрысь пөль. — Ми сійөс төдам сэксянь, кор на сійө носимса ыжъяс бөрся гожөмъясын гачтөгыс котравліс.

Собрание ызөбтіс-серөктіс, но старик дор сувтісны пөшти ставныс. Виль председательсө лон бөрийөма. Виччысисны сысянь өтвет.

Зезегов сѡгласитчис лоны Ленин нима колхозса председательѡн, кѡть и тѡдїс, кутшѡм сьѡкыд лоѡ сѡні. И збыль, кор локтїс рѡднѡй сиктса колхозас да ылѡссѡ тѡдмасис овмѡснас — юрсис сувтлїс. Пѡшти ставсѡ колѡ вѡлі заводитны выльысь. Главнѡйыс вѡлі сыын, медым колхозникъяс кутїсны эскыны, мый налѡн олѡмын да уджын водзѡ лоасны выль вежсьѡмъяс бурланьѡ. А тайѡс вѡчны вѡлі сьѡкыд сы вѡсна, мый колхозысь бѡръя воясѡ унаѡн пышїисны, кодї кытчѡ кужис. Вѡліны и колхозын сѡтшѡм йѡз, кодъяс сѡмын бумага вылын лыддысьлісны колхозникъясѡн.

Но быд делѡын успехыс — йѡз сайын! Тайѡ партийнѡй индѡдыс бура вѡлі тѡдса выль председателылы. Сѡмын вот кыдзи сїйѡс пѡртны олѡмѡ танї — Носимын? Ѳд колхозлѡн доходыс кольѡм во вѡлѡма сѡмын сѡ сюрс шайтысь муртса унджык, а теплѡвѡй электростанция, кодї колхозлы колѡ талун жѡ, кыдзи мортлы жар лунѡ колѡ ва, — сулалѡ сѡ ветымын сюрс шайт. Талунъя колхозлы колѡ видз-му уджалан техника, автопарк, пило-рама. А кыдз нѡ позьѡ овны колхозникъяслы мельничатѡг?

Алексей Иванович первой делѡ индїс бригадиръясѡ колхозникъяс пиысь медбуръяссѡ; прѡстѡя, сьѡлѡмсянныс сѡрнитїс накѡд, сетїс индѡдъяс. Ещѡ матысянджык тѡдмасис ас сиктса выль йѡзкѡд, кодъяс быдмѡмаѡсь сытѡг нин. Вѡтлїс колхозысь лодырьясѡс, пьянникъясѡс да колхознѡй эмбур таргайтсысясѡс. Котыртїс ас гѡгѡрыс актив. И мый жѡ? Выхь председателылѡн лолыс кыптїс, кор колхозникъяс выльысь сьѡлѡмсянныс кутчысисны уджѡ. Вѡлѡмкѡ, найѡ кѡсїѡны уджавны, гажтѡмчѡмаѡсь нин настѡящѡй, налы жѡ пѡльза вылѡ уджысь.

...Ленин нима колхозѡ воѡмсянн коли кымынкѡ тѡлысь. Тайѡ кадас Алексей Иванович зѡв сьѡлѡмсянныс изучайтїс передѡвѡй агротехника, эз кольлы лун, медым сїйѡ эз сѡветуйтчы олѡма колхозникъяскѡд, кывзысьліс налѡн бур сѡветъясѡ. Кольѡм вояс серти тѡдчымѡнъя бурджыка мунїс тувсов кѡдза да сїйѡ помассис ас кадѡ, эз омѡля мунны турун пунктѡм да мукѡд гожся да арся уджъяс.

Но председателылѡн бытгѡ сьѡлѡмыс друг чеччыштлїс бокѡ, кор сїйѡ прѡйдитлїс скѡт картаяс дїнтї. Скѡт видзѡм кузя делѡяс колхозын вѡліны медся омѡльѡсь.

Скөт картаястї гуляйтїс төв, йөла скөтөс быттьөкө кык пөв костө йөршитлөмаось, дөзьөритисны найөс случайной йөз, кодъяс эз радейтны ассыныс уджсө. Лолыд оз лэпты на вылө видзөднысө.

«Өти-кык лунөн, весиг өти-кык воөн тані нинөм он вөч,— мөвпаліс сійө өтнас.— Колө сьөм, а кытыс сійөс другөн босьтан?»

Тадзи быд лунъя ноксьөмын, төждысьөмын, шогкөд вензьөмын да радлунын колины Ленин нима колхозын во бөрся во. Но, пөжалуй, медся памятной воөн Носимса колхозникъяслы вөлі 1960 во, кор колхозын, кодлөн доходыс кыптїс миллион гөгөр шайтөдз (донъяслөн важ масштаб серти),— вуджисны уджалөмысь деньгаөн мынтысьөмө. Тайө өна воис сьөлөм вылас Носимса колхозникъяслы. Найө өні бур, мелі синъясөн видзөдөны асланыс председатель вылө, кодлөн заслугаыс тані абу ичөт.

— Öнї абу воддза воясө кодь. Лолыд ачыс лэптө бурджыка да зільджыка уджалөм вылө,— кыдзкө председателкөд миян сёрниө тшөтш пырөдчис кудриа юрсиа, лөсьыд статя ар комын вита мужичөй.— Быд төлысь ки вылө нажөвита-босьтам чистөйөн өкмыссө — сюрс шайт, важ деньгаөн кө быттьө артавны.

— Кутшөм удж вылынөсь ті?— пыр жө юалі ме сылысь.

— Стрөйтчысь... Плөтник, столяр-маляр, тшупсьысь,— кывнас ворсыштїс да, ачыс дөвөльной, шпыньмуніс сійө. Но Алексей Иванович гусьөн тувкнитыштїс меным бокө, мигнитөмөн вашнитїс:

— Юалөй, важөн-ө нин колхозын сійө?

— Кыдзи тїянөс шуоны?— бара шыөдчи ме сы дінө.

— Овөй — Кочанов, нимтөны — Митрейөн, өвичөй — Григорьевич,— бара жө кывнас ворсөмөн вочавидзис сійө.

— А важөнсянь-ө ті колхозад «столяр-малярнас»?— воча шмонитыштї ме. Но пыр жө төдчис, чушис сылы менам бөръя вопросй.

— Мый, тайө допрос?— югнитїс синъяснас сійө. И ме сэк жө ачым казялі, мый эг сэтчө веськав: весьшөрө мортсө дөзмөді да көсиин извинитчыны, но эг удит...

— Дмитрий Григорьевич, мый нө щөтясин немтор абусьыс?— друг шыасис Зезегов.— Ёртыс оз допраши-

вайт тэнö, а прöстö юалис, мый сийöс интересуйтö. И мый-ла тэныд лои сьöкыд веськыда вочавидзны? Вöли кад, кор колхозысь пышймысны унаöн, эн сöмын тэ. Тайöс ми огö дзебö, та йылысь висьталам веськыда. А öнi воис кад, кор колхоз магнит моз кутис кыскыны пышйылöм йöзöс. Кольöм воö сöмын тэ кодь верстыö мужичойыс колхозö бөр воисны 12 морт. Тайö фактоö ми огö дзебö дай сийöс некыдз дзебныс оз позь. Сийö нин ачыс ас йывсьыс висьталö, тэнад щöтитчöмыд, ёна бурджыка да вернöйджыка. Сийö медвойдөр висьталö сы йылысь, мый видз-му овмöс кузя ЦК-лөн сентябрьскöй Пленум аслас решениеясöн вöчис колхозьясöс хозяйственнöя да организационнöя ёнмöдöмын перелом. И налы, кодьяс кöсийны честнöя уджавны колхозын, миян öдзöсьяс век восьсаöсь, а лодырьяслы да пьяникьяслы — топыдасьыс топыда пöдсаöсь. Гөгөрвоана тайö тэныд?

Алексей Иванович эз скöрысь, эз киясöн öвтчöмөн да вомсьыс быг резöмөн, а спокойнöя висьталіс пöшти дзонь «речь», правильнöй «речь». Строительяслөн бригадир Дмитрий Григорьевич Кочанов та бöрын щöтитчыны эз нин кут. Буракö, председателылөн кывьясыс стöч местаö веськалісны да сідз жö лыддис сылысь «речсö» правильнöйөн.

...Алексей Ивановичкөд ми мөдөдчим Носим кузя, а сэсся веськөдчим скөтнөй дворлань. Председатель вöсьлаліс зумыд вöськовьясөн, любöпырысь видзöдлывліс то öтилаö, то мөдлаö, быттö вит во чöжөн тайö местаяссö аддзö первойысь на. Сийö эз вермы пöттöдзыс любуйтчыны асланыс öтувья овмöснас. Председатель мунигмозыс индаліс то ёся дзижкйөдлысь пилорама вылö, то электростанция вылö, то мельнича вылö, кодi уджаліс электричество вынөн, то тракторьяс да автомашинаяс вылö. А ме сöмын синьясөн вöтлыси сьлөн веськыд ки бөрся, кодi нюжавліс-индывліс то сэтчö, то татчö.

— Эм асланым тракторнöй парк,— висьталіс Алексей Иванович.— Куимсё сюрс шайт сийö сувтіс миянлы, но зато колхозлөн лои аслас техника, машинаяс.

— А электростанцияыд дона-ö сувтіс?

— Сё ветымын сюрс шайт,— вочавидзис председатель да мыйкö дыра коставлыштöм бöрын содтіс:— Ог на тырвыйö используйтö сылысь вынсö. Керкаясö би сетöм, кйөдыс весалöм, мельнича уджөдöм, скöт карта-

ясö ва сетом — тайö этша. Выны станциялön унджык, сийö должен дас пöv, сё пöv асьсö вештыны, и главнöй-ыс — йöзлысь уджсö кокньöдны. Та йымысь колö на ещö думыштлыны. Виль техника, ме ногön, миян агитация дорысь ёнджыка отсалö вежны колхозникъяслысь психологиясö, кыпöдны налысь сознаниесö. А тайö, ме ногön, главнöйыс и эм, — тöдчöдис председатель.

Алексей Иванович грамотнöй председатель, сымön эмöсь уна бур качествояс.

Сёрни кö муно бур колхознöй председатель йымысь, векджык шуöны: «Кöзяиныс тölка, делöсö асьыс тöдö»... Но öд татшöм донъялöмыд — абу на быд боксянь донъялöм. Тани оз тырмы ловъя йöзöс аддзöм. Грöш доныс сэтшöм председателы, кодi оз сяммы либö оз кöсий гөгөрвоны душасö-колхозникъяслысь, налысь тöждысьöмсö да радлунсö.

Алексей Иванович, кодi быдмис прöстöй сиктса зонсянь йöзön веськöдлысьöдз, ыджыд тöдчанлун сетö колхозникъяслысь культурнöй запросьяссö могмöдöмлы, налысь тöдöмлунъяссö озырмöдöмлы.

Алексей Иванович бура сёрнитö Павла Николаевна Кочанова йылысь, кодлön среднöй сельскохозяйственнöй образование да тайö колхозын 1953 восянь нин.

— Сийö миян молодчина, — шуö председатель. — Веськöдлö экономическöй школаön, велöдö колхозникъясöс. А миян йöз тöдöмлунъяс вылö азымось — сöмын велöд.

Колхознöй партийнöй организация, колхоз правление быд лун тöждысьöны сиктса клуб вöсна, сэни нуöдсьöны лекцияяс, уджалöны разнöй кружокъяс, петкөдлысьсöны кинокартинаяс, нуöдсьöны гажа рытьяс, уджалö библиотека. Тайö ставыс пырöма нин сиктса олөмö, бытö.

...Кор ми воим колхознöй картаö, синмö шыбитчисны стрөг пöрадок да сөстөмлун. Ме кö эг аддзыв дежуркаын удж вылö воысь скötницаяслысь паськөм вежөмсö, сэки эськö, дерт, чайтi, мый Ленин нима колхозын скötсö дөзёритöны, вердöны, юкталöны, на улысь куйöд весалöны, найöс лысьтöны ветеринарнöй фельдшерьяс либö врачьяс. Скötницаяс тани ставныс сөстөм еджыд халатаöсь, еджыд чибльöгаöсь, — и оз лякөссыны!

Дежурка стенин кузь лозунг, кöни гижöма:

«Ленин нима колхозса доярка Лодыгина Анна Николаевна 1960 вося дас өти төлысь чөжөн лысьтис быд мөслысь 1098 килограмм йөв. Став мукөд дояркаяс кө лысьтисны та мындаөн жө, сэк колхоз эськө пöлучитис содтөд 12,8 тонна йөв. Доярка Лодыгиналы честь и слава!»

— Төдмасьны эськө колө такөд,— лозунг вылө индї да шыаси Алексей Иванович динө.

Сэки дежуркаө друг пырис ыджыд тушаа, сөстөм чужөма, кузьмөскодь ёсь ныра мича ныв. Алексей Иванович шуйга синсө читкыртлөмөн мигнитис меным. Сидзкө, тайө и Анна Лодыгинаыс!

Гортса паськөмсө вежөм бөрын, кор сийө лои, кызди мукөдъяс, ветфельдшер кодьөн, ме сийөс мыйкө дыра манитьшти. Менам юалөмъяс вылө спокойнөя висьталис, мый пемалөма сизим класс, өнї велөдчө экономической школаын, уджалө дояркаөн нельөд во, дөзьөритө дас сизим мөс, быд фуражной мөслысь вонас лысьтө 2000 сайө килограмм йөв. И дзик ниюмтор вылө оз элясь, сөмын көсийө бура уджавны.

— Сидзкө, правильнө гижөмаось тэ йылысь?— индї стенин өшалысь лозунг вылө.

Том доярка пыр жө вом дорьяссө топөдис воча. Сийө чөв олис. Мыйкө эз ло сы ногөн, эз ло сы серти шуөма кутшөмкө кыв. И тайө регыд воссис...

— Ме эг нин өтчыд шулы, мыйла тадзисө вөчөны? Быттө менө көсийөны серамыв лэптыны, пөдругаясысь торйөдны, зык-пинь миян костын панны. А мыйөн омөль меысь Анна Михайловна Лодыгина, кодї менө велөдис дай өнї на велөдө уджавнысө, либө кукань видзысь Анна Егоровна Лодыгина: сылөн өд куканьясыс суткинас содөны 450—550 граммөдз. Да этшаөнөсь өмөй ме кодьыс? Ставныс зильөны бура уджавны!— анькытшөс моз кывъяссө кисьтис нывка, и друг пырис дежуркаө.

— Алексей Иванович,— ныв петөм бөрын шуи ме председателылы,— мыйла Анна Лодыгина яндысьө, а оз гордитчы аслас уджөн? Сийө правильнө шуис нимъяссө и мукөд бур скөтницаяслысь, а найө тиян некөн оз тыдавы. Лодыгиналы на вөсна и өбиднө, вунөдөмныд мукөдьяссө.

Мый вөчсис Алексей Ивановичлөн пытшкөсас — эг төд, а водзсасыны меным паньд эз кут.

...Менам паметъын носимсаяс колины кызди бур, зіль йёз. На вылө видзөдіг кызкө дум вылад усълөны важөн нин кувсьом Усть-Куломса крестьяна, Нёбдинса Витторлөн «Куломдинса бунт» драмаысь геройясыс: Поповьяс — Ельось Габө, сылөн гөтырыс Дарья, Ельось Рөдь, Семө Миш, Семө Тикөн, носимса крестьянин Сладкоштьев, Епрем Ярө да уна мукөдьяс, кодьяс 1841 воö на — сё кызь во сайын — смела кыпөдчылісны царизмлы паньд; найө сэки нин көсйылісны шедөдны бурджык олөм. Но царизм пөлтис найөс. И найө кө, мися, өні друг садьмисны-ловзисны, налы эськө сьөкыд лои гөгөрвоны талунъя сиктса олөмысь зэв унатор.

Но, төдөмысь, найө асланыс землякъяскөд өти кывйө воисны эськө нэмсө веж пармаөс, крут веськыд берега Эжваөс, ассыныс рөднөй крайсө ставнас помтөг сьөлөмсяныс радейтөмын. Тайө зэв мича чувство. И тайө чувствосө, ме ногөн, удачнөя висьталіс Алексей Иванович да миянлысь став сёрниөс йитис өти гөрөдө. Еджыд шебрас улын шойччысь колхознөй муяс вомөн кытчөкө ылө видзөдіг да рөднөй местаяснас любуйтчиг сійө сөмын и шуис:

— Сьөлөмыд кө радлө — и уджыд артмө.

1961 во.

ЯРЕГАСА МАЯКЪЯС

Ярега посёлокса «Водный» совхозө воöны и воöны йёз. Ме сэтчө жө веськөдчи да Ухта карсянь посёлокө воөм бөрын мөдөдчи скөтнөй дворлань. Карта өдзөс дорын паньдаси гөгрөс чужөма, латшкөсиник тушаа, сөстөм лөз синьяса нывкөд. Ме сылысь юалі: кытысь позьө аддзыны Ангелина Чумовицкаяөс.

Нывка эскытөм синьясөн видзөдліс ме вылө, гөрдөдыштіс да яндысьыштіг шуис:

— Ме и эм сійө...

— Тэ?— эскытөг юавсис менам.

— Да...

Ангелина йымысь ме төді нин мыйсюрө: төді, мый сійө ветфельдшер, мый Ухта районын уджалө нельөд во, а фермаын бригадиралө коймөдөс. Мый сійө — Ангелина Чумовицкая — партия членө кандидат. Но ме көсйи төдны сы йымысь унджык.

— Тi юаланныд, мый менам бөръя куим-нель вонас олөмын медся тдчанаыс?— юалөмөн жö шыасис Ангелина Чумовицкая.— Код тдас! Меным ставыс тдчанаөн кажитчö.

Ангелина надзöник висьталiс ставсö, мый колис па-метяс аслас олөмысь да уджысь. Ангелина воöма Ухтаö Кировскöй областысь 1957 воö чойыс да дядьыс дорö. Таодз куим во уджалöма ветфельдшерөн аслас рöднöй колхозын. Воöm бöрас пыр жö заводитöма уджавны совхозын аслас специальность серти, а во мысти вуджодö-маось «Водный» совхозлөн нельöд отделениеö бригадир-ветфельдшерөн.

Комсомолö пырöма дас сизим арöсөн, а 1960 вося декабрь тöлысянь — партия членö кандидат. Сэки жö партия радъясö пырöмны бригадаса медбур дояркаяс: Мария Жижева, Алефтина Шеверина, Анна Муленко да Татьяна Семукова.

— Кор менö примитiсны ленинскöй Коммунистиче-скöй партия радъясö, ме став сёлөмөн кутi чувствуйт-ны, мый воськовтi ёна ыджыдджык олөмланы да гы-рысьджык делöясланы. Менам олөмын тайö öнөдз мед-ся ыджыд да югыд событие,— тдчодiс Ангелина.— Миян отделение водзын, бригада водзын совхозса ди-рекция сувтöдiс мог: сетны йöv шахтёръяслы, налөн семьяяслы, яслияслы, детсадъяслы.

— Но и кыдзи пöртанныд олөмö тайö могсö?

— Быд лун сетам тырмымөн свежöй йöv. Ордйысям мөдöд отделениекөд йövлысь себестоимостьсö чинтöм вöсна.

Сетны унджык да донтöмджык йöv — дояркаяслөн медся главнöй мог. И Ангелина Чумовицкаялөн брига-да та кузя нуөдö уна эксперимент, стрöга соблюдайтö скöt вердöмын правильнöй рацион, быд лунся режим, көрымъяс сетöмлысь последовательность. Сийö висьталiс гатшöм деталь:

— Ми сетлим став комбикормсö рытнас. Тайö чинтiс мөсьяслысь йöv лысьтöм. Сэсся комбикормлысь порция-сö юким кык пельö да кутим сетны асывнас и рытнас. Асывнас комбикорм кутим сетны сочнöй көрымъяс водз-вылын, а рытнас — турун сетöм бöрын. И тайö содтiс мөсьяслысь йöv лысьтöм.

Скöt картаын, кодi абу нин выль, синмö шыбитчис-ны сера, мича гырысь мөсьяс. Найö ставныс пöрöда

сертиые холмогоркаяс. Гөгөр сөстөм, и мөсьясыс быттьо сөмын на купайтчөмаось. Төдчис скөтникъяслөн зиль уджыс.

Скөтнөй карта помын жө бригадалы неыджыд краснөй уголок. Кор ми сэтчө пырим, сәни пукалісны куимөн. Гөрд матерьеөн вевттьөм пызан вылын куйлісны газетъяс, журналъяс, шашкиөн да шахматөн ворсан дөскаяс, домино. Стенын өшалісны портретъяс, плакатъяс, асланыс фотогазета. Таысь кындзи, пыран да шуйга пельөсын өшалісны вымпел, рамкаын «Почётнөй грамота» да улынджык — сунис йылын — тетрадь, кодлөн обложка вылас кыза гижөма: «Сигналъяс».

— Тэ нө мый, Горбунова?— пырөмөн тшөтш көритан гөлөсөн шыөдчис Чумовицкая өти ныв дінө, коді вөлі кутчысьөма веськыд кинас сьөд шашкиө.— Сетісны тэ йылысь сигнал, а нель лун мысти мөд сигнал. Али тэныд тайө веськодь?— стенын өшалысь тетрадь вылө индөмөн юаліс бригадир.

Ме эг кут кывзыны налысь сёрни, босьті көрт тув йылын өшалысь тетрадьсө да лыдди сэтысь:

Март 15-өд лун. Воліс комиссия. Индіс кутшөмсюрө тырмытөмторъяс вылө: өткымын мөсьясөс лёка весалөмаось-чиститөмаось, картаын пемыдкодь. Удж вылысь водзджык гортас муніс Горбунова.

Штабса член Ф. Четверикова.

Март 19-өд лун. Дояркаяс ас местаынөсь, скөтникъяс — сідз жө. Горбунова удж вылө опоздайтіс час мында. Сійө жө эновтіс сменасө да муніс. Кытчө? Ми огө төдөй. Йөв кыскалысь Иван Шилев удж вылө эз лок. Сы пыдди уджаліс Риексте. Март 20-өд лун кежлө силос эз вайны.

Штабса член А. Шаверина.

— Ме ещө көсья вөлі вуджөдны тэнө дояркаө...— пыр на, кылө, сёрнитіс том морткод Чумовицкая.

— Ангелина Изосимовна, медбөрьяысь...

— Видзөдлам. Нярган кывьясыдлы ме ог эскы,— крута орөдіс бригадир.

Сэки краснөй уголокө пырис шөр тушаа том нывбаба, кодлөн лөз синъясыс муртса югнитлісны-видзөдлісны миян вылө. Ангелина Изосимовна кыпыда шуис:

— Вөлөмкө, збыль шуоны йөз костын: кыйсыыс дорө пө зверыд ачыс пышйө. Со и Татьяна Семукова, коді коймөд төлысь нин помся кутө ас киас ВЛКСМ Ухтаса горкомлысь вымпелсө да некодлы оз көсйы сетны. Төдмасьбй!

Татшөмъяскөд, кызди Семукова, төдмасыны любө, көть эськө и ме сы вылө кымынкө минут сайын на видзөді вымпелкөд орччөн ошалысь фотогазета вылысь. Сылөн портрет улысь ме лыдди: «Нелямын вит сюрс литр бур качества йөв — тайө лоө кызь нель автомобильной цистерна. Татшөм вося итогыс миян нельөд бригадаса медбур доярка Татьяна Александровна Семуковалөн».

Татьяна Семукова — фермаын өтнас коми. Сийө чужлөма Усть-Вымской районса Семуково сиктын, помавлөма семилетка. Тани уджалө көкъямысөд во. Татьяна Александровна партия членө кандидат. Сийө зумыда восьлалө олөмыскөд орччөн, зильө лоны уджын водзын мунысьөн.

Фотогазета не сөмын петкөдлө фермалысь уна удж процесс, но и наглядноя висьталө сийө йөз йывсьыс, кодъяс вердөны-юкталөны мөсьясөс, весалөны найөс да скөт карта, гартөны төв кезлө шлакозатаөн паропроводъяс. Сы вылө видзөдан да быттьө фермалөн став олөмыс син водзад.

Да, Чумовицкая бригадаын и тайө полезной выльтор, кодлысь төдчанлунсө чинтыны оз позь.

— Тиян бригадаын, ме видзөда да, сөмын том йөз. Онө лишной өтдортчө олөмаджыкъясысь?

Бригадир мыйкө көсйис, тыдалө, шуны ёсьөс, но чангыль ныра беринөськодь нывка, коді вөлі ми мышкын, друг горөдіс:

— Деньдобрый!

Ме бергөдчи сылань да эг төд, мый и вөчны. Кыдзкө тайө кык кывсө шуөмыс немыдз эз йитчы, но век жө во-чавидзи: «День добрый» мися. И друг Чумовицкая и нывкаыс прыснитисны-серөктисны.

— Деньдобрый — тайө миян фермаса өти дояркалөн овыс. Бригадаын сийө буретш медся олөма. Сылөн ыджыд пиыс оз өти во нин уджав нефтешахтаын машинистөн, ичөтджыкыс — Советской Армия радьясын. Акулина Ивановналы ветымын арөс. Зэв төлка да зиль доярка, — шуис Чумовицкая.

Акулина Ивановна Деньдобрый — векныдик, косі-
ник чужома нывбаба.

— Нинём меным висьтавынсь, — шеныштис сійо ки-
нас, кор бригадир тшөктіс висьтавын аслас удж йы-
лысь. — Уджалам-мырсям асланым вынъяс да кужом
серти, со и ставыс. Ме кодъяс бригадаын уна. Босьтöй
көть Эльза Карловнаос. Сійо дояркаон дас кыкөд во нин.

Да, Чумовицкая бригадаын не сөмын томъяс томось,
но и олөмаяс том сёлөмаось, кыпыдось. А көні гажа
да кыпыд, сәні и зіля уджавсь!

Ми ошкам скөт видзысьясос, кодъяс быд ногыс тыш-
касьоны скөтлөн вылын продуктивность вөсна. Но «мөс-
лөн йөлыс кыв йылас» сэк, кор овмөсын дасьтөма кор-
мөвөй база, кор колхозлөн либө совхозлөн эм гожся бур
пөскөтина. Татөг нинём и сёрнитны скөт видзөм водзө
развивайтөм йылысь, унджык йөв да вый вөчөм кузя
партиялысь решениеяссө олөмө пөртөм йылысь.

— Скөтлы көрым шедөдөм вылө ми сетам став вни-
мание, — шуө «Водный» совхозлөн нельөд отделениеса
управляющöй Лидия Александровна Соколова, коді ря-
дөвөй колхозницасянь быдмөма агрономөдз да öнi весь-
көдлө ыджыд овмөсөн.

Отделениелөн гөран-көдзан муыс 200 га. Таысь кын-
дзи, кольөм во лэптөма 50 га эжа. Скөтлы вылө көдзө-
ны сэтчө зөр сора вика да анькытш, турнепс, кормөвөй
капуста, пуктөны картофель.

— Ошкана инициативаыс миян Ангелиналөн, — водзө
висьталіс управляющöй. — Сійо кормөвөй рационө тувъ-
ялөмөн тувъяліс свежөй лыс. Дерт, изөмөн. Лыскын
эмось витаминъяс, протеин да мукөд питательнөй ве-
ществояс, кодъяс колөны скөт организмлы. Лыс чинтө
скөтлысь яловость, и миян фермаын бөръя воясө яло-
вость быри дзикөдз, и ошкана сійо, — водзө сёрнитис
управляющöй, — мый миян Ангелина ассьыс секретсө эз
дзед, а мөдарө — йөзөдіс, вөчис, кыз шуасны, ставлы
достояниеөн. Од сійо вөлі Москваын коммунистическөя
уджалысь бригадаяслөн да ударникъяслөн Всесоюзнөй
совещание вылын, көні сійос наградитисны «За трудо-
вую доблесть» медальөн, вөлі Коми АССР-са нывбаба-
яслөн I съезд вылын, ВЛКСМ Коми обкомлөн Пленум
вылын, асланым Ухтаын том передовикъяслөн слёт вы-
лын. Быдлаын сійо выступайтис, висьталіс войвылын
скөтос лыскөн вердөмысь ыджыд пөльза йылысь. И сы-

лөн зільомъясыс эз вошны. Сійö пöлучайтö уна письмö-
яс. Öтияс ошкöны бур сöветысь, мöдъяс юасьöны, кызди
правильнöджык вердны скötöс лыскөн.

Но управляющöй эз кут ошйысьны гожся пöскöти-
наясөн. Найö налөн омöльöсь, не кö шуны — некытчö туй-
тöмöсь: вöрын да сук кустарникъяс пöвстын. Матигöгö-
рын гырысьджык юяс абуöсь, сідзкö, абуöсь и ойдлана,
чöскыд туруна паськыд видзьяс. Весиг скötлы некытысь
юнысö. Васö ковмö ваявны пöскöтинаö автомашинаясөн
цистернаясын. Ичötик юясын ваыс нефть кöра. Татшöм
ватö скöt оз ю.

— Көнсюрö скöt видзсыяс оз вермыны виччысьны
скötöс пастбище вылö лэдзан кад, а миянöс сійö пов-
зöдлö,— шуö том доярка Галя Пасечник.

А Шаверина Аля пöшти синва сорөн висьталіс, кызди
кольöм во вөрö вошлöм «Ая» нима тыра мöссö ковмис
корсьны ставлы.

— Бригадиркöд асьным вошлім вöрас да муртса пе-
тім. А кор веськалім туй вылö да мöдöдчим станö, «Ая»
сулаліс ю берег дорын, баксіс. Ми сійöс домалім вой
кежлас, а сійö век баксіс. «Ая» вöлі тыртöм. Буракö,
пиясьöма да куканьсö воштöма, но вöраас, мыйлакö,
йöлыс эз вöв. Аскинас öшöдім голяас сылы кык ичötик
жыннян да лэдзим. «Ая» баксігтырйи зэв öдийö мöдöд-
чис вөрлань. Ми сы бöрся. И сійö регыд мысти аддзис
ассыс куканьсö, коді вöлі зверьпи кодь вöй, полысь.

Синмö шыбитчис дояркаяслөн ещö öтитор. Налөн
быдöнлөн группаас 16 мöс. Но дас квайт пийсь быдöн-
лөн эм öти, кодöс быд доярка лелькуйтö да радейтö му-
кöдъяс серти медъёна. Сійö уна челядя мамлөн мизыко
кодь, кодлы вичмö медчöскыдтор, медся меліа шуöм кыв,
малыштöм, «матушкаöн» шуöм. Сідз, Галя Пасечник
тшöкыда мелі синъясөн видзöдлывлö «Вертушка» вылö,
коді сетö быд сутки 30 кг йöв; Аля Шавериналөн мел-
ся радейтанаыс «Вольница». Сійö лысьтö куканясьöм-
сянь сувттöдзыс 4500 кг йöв. Маша Жижина оз пöt
любуйтчыны аслас «Огородницаöн». Öд сійö фермаын
рекордистка. 5000 килограмм йöв! Тайö абу шутка.
А Деньдобрый «Марсельлөн» быд куканяситөн думсьыс
виччысьö сысянь оз нин двойня, а — тройня.

И ставыс мечтайтöны, кöсийöны, медым и мукöд
мöсьясыс вöліны на кодьöсь.

Вөлі праздникөн бригадаын январь 12 лун. Ангелинаёс сэки срочнө корисны управлениеё телефон дорө.

— Ангелина Изосимовна!— кыліс трубкаын кыз гөлөс. Ангелина пыр жө төдіс директорсө.— Дирекция, парторганизация да рабочком нимсянь сьөлөмсянь поздравляйта тіянос да бригадаса став членъястө тіянлы коммунистическөя уджалысь бригадалысь ним присвоитөм кузя. Сиам тіян уджын вель успехъяс! Ті— миян Ярегаса маякъяс!

— Агтьө!— сөмын и артмис Ангелиналөн. «Ті— миян Ярегаса маякъяс!»— шөпкөдісны паръясыс. А сәс-ся трубка пуктөм бөрас нин кватитчис, мый колө вөлі мыйкө шуны директорлы, но мый— кутіс думайтны...

1961 во.

КОММУНИЗМЛӨН БИЯС

Мед тундраөдз Москвасянь ылын, но страналөн пөсь сьөлөмлысь тіпкөмсө сәні кылөны сәтшөм жө бура да ясөда, кызди и быдлаын. Тундраса кар Воркута кылө быд шы, быд кыв, кодөс лэдзө эфирө Москва. Пырысь-пыр жө воркутасаяс төдмалісны и Москва-Сортировочная депоса коллективлөн славнөй делөяс йылысь. И москвичъяс пример серти Воркутаса ТЭЦ-лөн цехъяс сідз жө шедөдісны право шусьыны коммунистическөя уджалысь цехъясөн. Тайө почөтнөй нимсө налы сетісны сійө лунъясө, кор Коми республика празднуйтис ассьыс нелямын вося юбилей.

...Кызкө неважөн энергетикъяслөн вель клубын, коді сідзи и кыскө ас ордас шойччыны томъясөс и пөрысьясөс, кык морт ворсісны шашкиөн да надзөникөн варовитісны ас костаныс. Отиыс на пиысь вөлі арлыда нин, руд костюма, дзор юрсиа, чукырөсь, но сөстөм чужөма. А сылөн ёртыс— том, буракө, неважөн на заводтөма тані уджавны.

— Ачыд думышт,— сёрнитіс олөма мортыс.— Электричествотөг өні миян олөмын да уджын воськов он вөч. Со көть босьт миянлысь Воркутанымөс. Кымын шахта, кымын завод,— ме ог нин лыдды посни и гырысь керкаяс,— и быдлаын миян ТЭЦ-лөн энергия. Кызь километр ылаө, Воркута гөгөр, сетам биа вын.

— А Хальмер-юо коді сетө токсө?— юали: том морт.

— Ми. Сэтчөс шахта «Воркутуголь» комбинатын медся войвылын, медся бокрын.

— Хальмер-юөдз жө Воркутасянь сизимдас километр,— эз лэдзчысь том морт.— Сідзкө, ми энергиясө сетама ёна ыджыдджык радиусөн?

Олсма морт та вылө воча нинөм эз шу, а водзө сёрнитіс өнія кадө электроэнергия используйтөм йылысь.

Том морт кывзис сюся. Да и мөд ногөн эз вермы лоны. Од сійө бөръя лунъясас төдмаліс мыйкө выльтор аслас удж йымысь, та вөсна выль ног зіліс гөгөрвоны аслас став вир-яйөн тыдавтөм йитөдъяссө, кодъяс топыда заводитісны өтувтны сійөс, том рабочйөс, ТЭЦ-лөн ыджыд коллективкөд, со татшөмъяскөд, кодкөд өні сійө сёрнитө.

Та боксянь водзмөстчысьясыс талун асьныс энергетикъяс.

...Котельнөй цех. Нелямын куим метр судта кык котёл сулалөны орччөн. На пытшкын ыпъялө би. Сотчө сэні оз комокъяса из шом. Оз! Сэтчө веськавтөдз из шом аслас туйын изсьө специальнөй агрегатъясын, а сэсса медбөрын пөрө бусө. Тайө бусыс и сотчө да сетө тысяча градуса жар, пөртө руө уна чукыль-мукульөн котёл пытшкөс стенъяс пөлөн мунысь трубаясысь ва. А ру вөчө турбинаын асьыс удж.

Ыджыдөсь, югыдөсь, сөстөмөсь котельнөй, турбиннөй да электро цехъяс. Но шензьөдөны цехъяслөн залъясыс сійөн, мый сэні оз тыдавны йөз. Сулалөны громадина котельяс, турбинаяс, а йөз быттө абуөсь. Оти, кык, куим — и ставыс! Котельнөй цехса пульт дорын пукалөны старшөй машинист да ещө кык машинист.

Со и ставыс! Та мында жө йөз уджалөны турбиннөй цехын. Электроцехын нельөн: дежурнөй, инженер, сменаса начальник да главнөй щитөн веськөдлысь дежурнөй контролёр.

Прав вөлөма олөма рабочйө, коді том мортлы шуис: «Тані, другө, XX съезд бөрын технической революция лон».

И збыль, бөрө кольөм технологиясыс да кипом вөчан уджъясысь өні дзык нинөм эз коль. Бөръя куим вонас коллектив вөчис ыджыд удж автоматика, телемеханика да автоматизация пыртөм кузя. Сідз, кольөм воө лон вуджөдөма шахтаяслысь 14 подстанция телеуправ-

ление вылө, автоматизируйтöма насосьяс, лосьöдöма электроннöй устройствояс котёлъяс да турбинаяс вылын. Кык станция öти предприятиеö öтувтöм бöрын найö чинтисны управленческöй аппарат да экономитисны миллион шайт государственнöй средство. Сöмын тавосья 9 тöлысьöн рационализаторскöй предложенияс производствöй пыртöмөн коллектив экономитис 7203 тонна ломтас.

Гырысь воськовъясөн коллектив восьлалö водзö прогресс туй кузя.

«Став выльсö, мый вöйисны новатор-рационализаторъяс,— производстволөн быд участокö!»— быд лунъя лозунгыс Воркутаса энергетикьяслөн.

Но кык во сайын тшöкыда вöли позьö аддзыны татшöм серпас. Рабочöй воö цехса начальник дорö да шуö:

— Уволитöй менö,— и сетö заявление.

— Мыйла мунан?— кöсийö тöдны цехса начальник.— Öд тиянлы мянын абу лёк. И премияяс босьтан, и удждоныд абу ичöt...

— Столбъяслы гуястö зэв сьöкыд перьявны. Кын мусö йиригөн сэтшöма мудзан-жаялан, мый и премия вылад абу рад. Механизируйтінныд кö эськö мянлысь уджсö...

«Механизируйтінныд кö эськö»...— татшöм шуöмсö эз öтчылдысь кывлы и главнöй инженер Николай Иванович Константинов.

— Мукöд дырйиыс прöстö вöли яндзим сулавны рабочöй дорын, кодi пиньнас моз йирö-перйö тундраса кын му, медым сэтчö сувтöдны столб,— висьталö Константинов.— Зэв сьöкыд удж, дай кадыс та вылö мунö уна. Но кызд механизируйтны тайö уджсö?

Унаөн шулисны: удж тырвыйö механизируйтны абу поэяна. Кыдзи докажитны, мый поэяна? Уна чертёжъяс да расчётъяс вöчлис Константинов. Николай Ивановичкөд тшöтш сьöкыд вопросö решайтисны монтеръяс Ефим Ципков, Александр Кноль, электрослесарь Николай Ремизов да мукöд. И мый жö? Роч сыланкывйын сьывсьö: «Кто ищет, тот всегда найдет». Аддзисны и Константинов да сылөн отсасьысьяс сийös, мый корсисны. Налөн предложение серти лои вöчöма передвижнöй копёр. И öни тундраса кын муö столб сувтöдöны... 5 минутөн. Думыштны сöмын — вит минутөн! Ми ог ний

сёрнитö сы йылысь, кутшöм экономия тайö сетис госу- дарстволы.

«Да, тайö тiян буртор. Миянлы ковмас велöдчыны тiянлысь да лöсьöдны татшöм жö копёр, миян тiян кодъ жö тундра пласътвидзö ылі войвылын»,— тадзи сёрни- тисны Якутияса гöстьяс, кодъяс волісны Воркутаö ко- льöм во. А найö волісны, медым тöдмасьны, мый эм вылысь воркутаса энергетикъяс уджын. Волісны сідз жö Интаысь, Норильскысь.

Опытöн вежласьöмысь, öта-мöд ордö ветлöмысь энергетикъясöс колö сöмын ошкыны. Тайö налөн пырö- ма нин практикаö.

«Думайт, корсь, матыст аскиясö!» Татшöм плакат öшалö ТЭЦ-2 öграда пытшкын. Сійö зэв мича, яркöй да öшаліс медся тыдалана местаын. А тайö абу прöстö гора, жынгана кывъяс. Наö кывзысьöны энергетикъяс- лөн коллективса йöз, пöртöны олөмö тайö чукöстчöмсö.

Новаторъяслөн, рационализаторъяслөн, выльö сюрт- чысьяслөн радъясыс содöны лунысь луно. Шутка шуны, 1960—61 воясö электростанциясын пыртöма производ- стоö 170 рационализаторскöй предложение, мый сетис 130 600 шайт экономия!

Рационализаторъяс лыдын старшöй инженер-кон- структор Щелков, связьса монтёр Заколпский, турбина- са машинист Сагулин, котельнöй цехъясса слесарь Вол- ков, слесарьяс Болтин, Чаплышкин, Помазов, Обухов, Герасимов, Чащин, ремонтно-механической цехса фре- зеровщик Василенко, старшöй мастер Кучков, электро- слесарь Ремизов да унаөн мукöд. Налөн быдөнлөн счет вылас абу öти интереснöй предложение. Николай Ре- мизов таво сетис вит рационализаторскöй предложение, и витнансö примитöма. Во чöжөн найö сетасны 5 тысяча шайт экономия.

— Миян рабочöйясöс да инженеръясöс топыда йитö бур творческой дружба,— висьталö профсоюзнöй органи- зацияса председатель Геннадий Андрианович Глубоков- ский.— Рабочöйяс да инженерьяс öтвылысь решайтöны сьöкыд задачаяс. Ремонтно-механической цехын стар- шöй мастер Сергей Васильевич Кучков да фрезеровщик Виктор Александрович Василенко котыртисны асланыс производство вылын насосъяслысь питательнöй секция- яс ремонтируйтöм. Тайö сетис ыджыд экономия. Табдз

найос ремонтö ыстывлісны Воркутаса механической заводö.

Энергетикьяслөн творческой штаб — научно-технической обществолөн первичной организация. Сэні 95 член. Сыөн веськөдлысьяс бура төдöны выльсö, передöвойсö производствоö пыртöмлысь донсö, новаторьяслөн да рационализаторьяслөн корсьöмьяслысь, зільöмьяслысь да упорстволысь донсö.

Ми төдмасим главной инженер Марчук Иван Парфентьевичкөд. Сійö олöма нин, но том душаа морт, весиг том коммунист.

— Мортлы сы мында арös, мыята сійö чувствуйтö. А ме чувствуйта ачымös томөн,— шмонитö Иван Парфентьевич.— Ме ог вермы лоны бокрын став сійö выльсьыс, коді чужö мяян олöмын. Кösья аддзыны олöмö пöртöмаөн став рационализаторской предложениеяссö, кодьясös примитöма да кодьяс вылын уна думайтисны мяян новаторьяс.

Иван Парфентьевич быдтис вылын квалификацияа рабочöйясös да производствоса уна сюсь командирös. Сідз, Семяшкин заводитис уджавны цехын водосмотрщикөн, а талун сійö котельной цехса машинист, веськөдлö сменаөн. Байбородин вöлі монтерөн, а öні дежурной инженер. Кырнышев весавліс пöйм, а талун лösсьöдчö сдایتны экзамен машинистö. Огибин уджавліс слесарөн, а öні турбинной цехын старшой машинист, веськөдлö сменаөн. Тайö списоксö позьö нюжөдны водзö.

— Миянö йöz оз воны бокрысь. Найö быдмöны тани,— висьталö главной инженер.

Воркутаса энергетикьяс оз йөршитчыны асланыс предприятиелөн стеньясö. Ылі войвывса йöz йитчисны республика луныв районса колхозникьяскөд. Найö босьтисны асланыс шефство улö Летской районьыс М. И. Калинин нима колхоз, ньобисны да монтируйтисны колхозлы дизельной электроподстанция. И быд керкаын кутисны югыда öйыны Ильичлөн лампочкаяс, мыйысь колхозникьяс шуисны налы ыджыдысь-ыджыл аттьö.

Воркутаса энергетикьяс — рабочöйяс, инженерьяс, техникьяс да служащöйяс — сюся да зумыда сулалöны асланыс трудöвой вахта вылын. Найö водзö содтöны коммунистическöя уджалысь предприятиельсь трудöвой

славасо. Найо ыджыд кыпыдлунон примитисны виль программа, кодi индо шуда олмо туй.

— Коммунизмлон кустытом бияс ойоны лунысь луню, воысь воо век вынаджыка и вынаджыка! И налысь дзирдалом-югьяломсо регыд кутасны адзыны му шар вылын олысь став йоз!— гордоя шуоны советской энергетикьяс. И налы ми эскам.

1961 во.

63-өд ПАРАЛЛЕЛЬ САЙЫН

Йоз тыра автобус Ухтасянь шылыыд да паськыд шоссе кузя мунис Сангородокö — карсянь квайт километр сайо. Помасис негырысь вөр, заводитчис заборон кытшалом ыджыд йор. Забор сайын югьялисны парник рамаяс, вöлины посни стрöйбаяс.

— Клепачлон овмосыс,— юрнас довкнитомон шуис пассажирьяс пиысь оти.

— Кутшом Клепачлон?— эз гогөрво сыкод орчон пукалысь нывбаба.

— Алексей Георгиевич Клепачлон, Коми АССР-са заслуженной агрономлон,— сёлөмсяныыс тодчодис сёрни панысь.— Тöлын и гожöмын вердо ухтасаясөс свежой помидорон, огурцыон, лукон, редисон, укропон, сельдерейон, морковон. Сылон танi, позьо ко сидз шуны, быдса комбинат... Вöлим ми сэнi тов помас нин, овмоснас тодмасыны ветлим. Ывлаын комын градус мороз, а теплицаясын азыма быдмөны веж гумьяса лук, корьясө шевгөдоны мукөд пуктасьяслон рөсаяс. Ывлаын йоз ветлоны пасяось, а танi уджалысь нывбабаяс кокныдик халатаось. Теплицаясын кызь сайо градус шоньд. Войясын луньюгыд...

Тайо сёрниыс уси меным дум вьло, кор веськалі ыджыд овмосас. Да, Клепач ордө экскурсантыяс волöны частö. Наысь Алексей Георгиевич оз пышъяв, а мөдарö — окотапырысь ставсö петкөдлө.

...Ухта карбердса овмос котыртчис война воясö. Ухтаын быдмисны виль предприятиеяс, содисны йоз. Найос коліс вердны. Агроном Клепачлы тшöктисны котыртны парникөвöй овмос неыджыд «Чибыю» совхозын. Но унатор падмөдліс: омоль грунт, суровöй климат. Сэсса, кысь босьтны кужысь йозос?

Алексей Георгиевич помавліс сельхозтехникум. Татчө вотодз дас во уджаліс агрономон лунвыв районьясын. Татчөс условияс ёна торьялісны, шуам, Украинаса условиясысь.

Мыйсянь заводитіс Алексей Георгиевич тайө делөсө?

Дыр думайтөм бөрын Клепач решитіс лөсьөдны парникьяс му веркөсын. Но коліс куйөд. Кытысь сійөс босьтан, кор скөтыс Ухтаын этша?

Позис лөсьөдны биотопливо, но бара жө — кытысь сійөс босьтны-судзөдны?

Алексей Георгиевич адзис, мый корсис: сюри торф! Та вылө и сувтіс Клепач. Но колө вөлі прөверитны, оз-ө торфыс пөръяв сылысь надеясө, оз-ө подведит, сетас-ө колана шоньд.

— Оти ыркыд тувсов асылө ме матыстчи парникьяс дорө. Кодкө чукөстіс менө, — казътылө Клепач. — Видзөда: воча котөртө менам отсасысьөй. Ме повзышти кодъ, юалі: мый, мися, сэтшөмыс лои?

— Рөсаданым кынмөма...

— Ставыс?

— Да.

Ме падми... Кыдзи нө сідзи? Менам арталөмьяс серти торф должен вөлі лоны не сөмын биотопливоөн, но и вермис видзны рөсadasө. И со — кынмөмны. Сідзкө, абу на ставсө помөдз думайтөма миян. Ковмис выльысь вөчны опытьяс, прөверяйтны, переживайтны.

Биотопливо пыдди торф используйтөм кузя опыт эз на вөв. Но неудачаяс эз повзөдны. Агроном ноксис парникьяс дорын: лөсьөдліс парникьясын колана температура. И войвывса природакөд венын Клепач петіс вермысьөн.

Наука отсаліс агроном-новаторлы лөсьөдны парникьяс, босьтны өгурцьылысь ыджыд урожай. Көкьямыс во тільсьөм-мырсьөм бөрын А. Г. Клепач заслуженнөя пöлучитіс авторскөй удостоверение аслас первой научнөй уджысь, коді шусис «Войвылын торфянөй наземнөй парникьяс».

Теплицаяс! Со көні позьө быдтыны войвывсаяслы овощи. И Алексей Георгиевич заводитіс стрөитны алыспөлөс теплицаяс, воысь воө совершенствуйтис найөс.

Клепач стрөга требуйтө, медым теплицаясын век вөлі колана температура.

— Мыйла теплицаад ыркыд? Кымын градус?

— Дас өкмыс.

— А колө кызь вит. Мый ті видзөданныд? Рөсадасө көсьян вины? Али газыс оз тырмы?

— Стрөг?— мукөд дырйи бокөвөйяс юаласны Клепач йылысь.

— Кывнад оз шыблась,— кылан теплицаса уджалысьяссянъ вочавидзөм.

И кор пансьө сёрни теплицаяс шонтөм йылысь, выль воысьяс заводитөны дзоръявны гөгөр. Но налы син улө оз сюрны ни пачьяс, ни батареяяс. Клепач шмонитө, юалө:

— Нинөм эн аддзөй?.. Со найө, кодьяс сетөны шоньдсө,— индө иёсньыдик трубаяс вылө. Вөлөмкө, газыс сотчө веськыда теплицаас. Он кө копыртчы, лөзоват би кывьяссө он и аддзы. Найө вёсньыдика петөны куим миллиметр диаметра розьясысь. Прөстө и удобнө, бура шонтө. Газ быттьө вельмөдіс, вөчис мөд ногаөн теплицасө.

Тепличнөй комбинатын ыджыд проблема — көйдысьяс. Ылі войвывса совхозьяслөн да колхозьяслөн практика да опыт петкөдлісны: лунвылысь вайөм көйдысьяссысь помидорлөн урожайыс воө ичөт. Та вёсна теплицаясын медясө быдтөны помидорьяс сэтшөм көйдысьяссысь, кодьясөс пөлучитісны асьныс. Тані испытайтісны помидорьяслысь уна дас сорт. Öні налөн эмөсь нин асланыс сортьяс, но и найөс пыр бурмөдөны внутрисортөвөй скрещиваниеөн, бөрийөдлөмөн.

А. Г. Клепач кызь во сайө уджаліс помидорлысь «Грунтөвөй ухтинец» сорт петкөдөм вылын, коді эькө эз пов көдзыдысь. Тайө сортыс индысис восьса грунтын быдтөм-вөдитөм вылө. Новаторлөн зильөм эз вош. «Грунтөвөй ухтинец» сорт лои. Сійө öні сетө зэв бур урожай.

Алексей Георгиевич кутө паськыд йитөдьяс мукөд областьясса да республикаясса овощеводьяскөд, ачыс ысталө налы көйдысьяс. Кировскөй областьысь овощевод И. С. Сарачев гижө:

«Меным воисны көйдысьяс Москваысь, Ленинградысь, Челябинскысь, Свердловскысь, мукөд карьясысь. Став сортьяс пиысь ме сувті тиян сорт вылө, коді өдйө воө, оз пов көдзыдьясысь. Тулысыс миян вөлі көдзыд. Ме пункті тиянлысь «Грунтөвөй ухтинецтө» «Московскөйкөд» орччөн. «Московскөй» сорт лигышмуні, кык вежон чөжкежлө быдмөмсыйс дугдыліс. Тиян сортыд град вы-

лын вöлі орчöн, но кöдыдысь сійö дзик нинöм эз ло да быдмис водзö. Быд кустысь урожайсö босьті 50—60 гырысь плод».

«Грунтöвöй ухтинец» сорт ймыль татшöм жö бур отзывъяс Алексей Георгиевичлы воисны мукöд областьысь да республикаысь.

«Ми отö вермöй виччысьны природасянь милöстьяс: босьтны найöс сылысь — мян мог». Тайö мичуринскöй девизсö век тöд вылын кутö агроном-новатор Алексей Георгиевич Клепач.

Кор сёян да чöсмасян гöрд помидоръясöн, тöдан: сын уна витаминъяс. Но öдвакö кодкö думыштлö, кутшöм ыджыд удж да тöждысьöм пуктöма найöс быдтöм-лелькуйтöм вылö.

— Кутшöмөсь тiян водзö вылö планъяс?— унаöн юавлöны экскурсантъяс пöвстысь.

— Ме радейта сёрнитны сы ймыль, мый эм нин, мый шедöдöма нин,— збыльысь вочавидзö Клепач.— КПСС ЦК-лөн декабрьскöй Пленум вылын выступайтис ВАСХНИЛ-са почётнöй академик Эдельштейн. Сійö сёрнитис защищённöй грунтлысь площадь паськöдны колöм ймыль, тöдчöдiс, мый мян странаса став теплицаяс шөркодь урожай дырйи талун вермасны сетны морт вылö сöмын öгурцы джын. Мян Ухтаын та кузя делöйс бурджык. Ухтинскöй комбинатса уджалысь йöзлы «Ухта» совхоз защищённöй грунтлысь 1959 воын нин овощияс — медсясö помидор да öгурцы — сетис куим килограммөн морт вылö, а кольöм во овощи сдایتöм кузя план тыртiм 165 процент вылö. Защищённöй грунтлысь босьтöм овощиөн ухтаса йöзлысь потребностямсö тырвийö могмöдам сэки, кор теплицаяслысь площадьсö вайöдам 100 000 квадратнöй метрöдз.

— Дас гектарöдз?

— Да, дас гектарöдз. Татшöм мян планным. Талун мян теплицаяс улын сöмын на 6280 кв. метр да парникъяс улын сöмын на 5000 кв. метр. Вот и артыштöй, мыйта на колö вöчны.

Клепачлөн уна отсасысь. Со теплицаö пырис куз тушаа, векныддик чужöма том морт. Тайö том мортыскöд — Борис Ильич Орленкокöд — ме удитi нин тöдмасыны водзджык. Сылы сöмын на кызь вит арöс. Сельхозтехникум помалöм бöрын танi сійö уджалö коймöд во, бригадирөн. Орленко сьölöмсяныс радейтö агро-

номлысь профессия да вывті дөвөлен аслас бригадаса йөзөн, кодъяс и теплицаясын, и парникъясын, и восьса прунтын быдтөны овощияс план серти пөшти кык пөв унджык.

— Менам бригадаса нывбабаяслөн — М. К. Габовалөн, И. С. Каневалөн, Л. В. Ермаковалөн, А. И. Секретарёвалөн, М. К. Гудыревалөн, Абаныщиалөн, Қобыльченколөн — да ставнысө өмөй лыддьөдлан — не сөмын ыджыд удж опыт, но и сөдз вежөр да зарни кияс, — дженъыда, но сьөлөмсянныс висьталіс аслас йөз йымысь том бригадир.

Өні сійө, буракө, воис мыйкө юавны Клепачлысь, пөлучитны сысянь индөдъяс, но сэк жө решитіс бөр мунны. Талы помканас лои, буракө, ме.

— Мый тэныд, Борис? — сувтөдіс том мортөс Клепач.

— Ме бөрынджык, Алексей Георгиевич, тіян діно вола.

Но Клепач чуьнас корис сійөс ас дінас да, пельпомас том мортлы веськыд кинас кокниа тапнитіг да веськыда сылы синмас видзөдіг, пөшти горөдөмөн шуис:

— Вот тайө менам смөна! И шуа веськыда: миян планъяслөн реальностьыс — миян йөзын. Ме налы эскылі да пыр кута эскыны. Уджалам ставөн өтвылысь, ог жалитөй выннымөс. И водзө модам тадзи уджавны. Ылі войвылын — 63-өд параллель сайын — кутас быдымыны ставыс, мый ми жөсьям.

1961 во.

ЫДЖЫД НАГРАДА

Отла сиктө ме вои асывводз, вои машинаөн да чеччи кывтыд помас, а сэсся мөдөдчи подөн сикт кузя, кыз шуасны центрланыс, медым сәні аддзөдчывны меным колана йөзкөд. Но друг, быттьө лым тола пиысь, ме водзын быдмис мүсянныс тэчөм, крепыд статя мужичөй. Сійө вөлі уска, но бритөм тошка. «Коді тайө? Мый сылы мясянь, төдтөм мортсянь, колө?» Дыр виччысьны шыасьөм эз ковмы:

— Гирушева ордө гөститны? Ок и сьөкыд өні сылы: вооны и вооны сы ордө гөстьяс. Да и кыззи нө сытөг позяс? Қольөм во Ленин орденөн наградитісны, обком-

са члено бөрйисны... А шуны ко веськыда, мый мян сэтшөмыс эм? Олам сідзи жө, кызди и ставыс. Некутшөм виль Америка эгө на восьтөй...— мудера шуйга синсө читкыртөмон помалис сийө. А сэсся недыр чөв олыштөм бөрын, менсым вочавидзөмөс виччысьтөг, серьёзнöя нин юалис:— Абуось өмөй сэсся мян республикаын либө мян жө Железнодорожной районын бурджыкъясыс?

Ме удити төдмасыны райцентрас на «Вымскöй» совхозса мөдөд отделениелөн экономической показателъясөн — абу кулитанаось найө. Та вöсна веськыда шуи:

— Эмось, дерт, и ёна бурджыкъяс, озырджыкъяс тиян серти. Но и Отла мөдис кыптыны. Ти бур боксянь нималаннуд порсь видзөм кузя. Анна Степановна Гирушевалөн нимыс збыльысь төдса мян республика пасьтаын. Сылысь босьтөны пример...

Менам виль төдсаөй бара здук кежлө чөв ланьтлис, думыштчылис быттө, а сэсся нуөдис водзө:

— А ми, веськыда ко шуны, сөмын на сосъяснымөс пуджим. Уджыс, уджыс на мыйта... Олыштад — асьныд аддзад. А мый лёкыс, йиркнитам ко мян челядьлы Шошкаын кодь жө ыджыд да югыд школа, стрөитам ко съөд пывсянъяс пыдди сикт вылө өти еджыд пывсян? Лоө ко столөвөй? Колө жө сэсся коркө став важыскөд прөщайтчыны. Сідзи абу?

Отласа тайө ёртыслөн кывъясас,— овсө кодлысь ме сідзи эг и юав,— эз кыв норасьөм либө няргөм. Мөдарө, совхозса рядөвөй рабочөй, төрытъя колхозник, сьөлөмсяныс көсийс водзө выльмөдны асьыс рөднөй сиктсө, мобилизуйтны асьсө да мукодьяссө сьөкыдлунъяс, тырмытөмторъяс бырөдөм вылө. Благороднөй төждысьөм, кодөс ме казяли не сөмын тайө ёртыслысь, но и «Вымскöй» совхозса уна рабочөйяслысь. Тайө жө чертаыс медпервой да медся ёна синмө шыбитчис и Отла отделенияса знатнөй свинарка Анна Степановна Гирушева характерын, көсийөмъясын.

Анна Степановнажөд төдмасыны вөли кокни. Сийө варов чывбаба, и сёрнитигөн кывъяс корсьны оз пыр зептас. Сылөн сөстөм, кузьмөскодь чужөмыс ставнас нюмунө, кор тыдөдлө сийө асьыс мича рөвнөй пиньяссө. Сылөн правильнөй фигура вылө видзөдиг, пөжалуй, оз быдөн эскы, мый сийө дас сизим арөссянь дорвыв сьөкыд уджъяс вылын: скөтница, вөр лэдзысь, полеводче-

скöй бригадаса бригадир, МГФ-са заведующöй, талун — старшöй свинарка. А ещö кö содтыны татчö квайт челядь рöдитöм-быдтöм...

Анна Степановнаöс индiсны порсьясöс дöзöбитны-быдтыны вит во сайын. Кыдзи и век, выль уджас сiйö кутчысис сьöлöмсяныыс. А сэсся газетьясын печатайтöм статьясысь тöдмалiс, кöнi кутшöм выльторьяс пыртöны асланыс уджö порсь видзысьяс мукöд колхозьясын да совхозьясын.

...Гирушева заводитiс уджавны порсьяс дорын старшöй свинарка Коновалова Надежда Андреевнакöд. Но на косттi регыд мысти котöртiс сьöд кань...

— Надя,— кызкö öтчид шыödчис Анна Степановна удж кузя аслас старшöй дорö,— вай кутам маткаясöс тырсьöдны ноябрь, декабрь, январь тöлысьясын. Сэки найö кутасны пиянасьны мартын, апрельын, майын. Гожöмнас порсьпиян öдiйöджык быдмасны-зумаммасны, бурджыка вермам найöс тшөгöдны дай аслыным коньыдджык лö. Тадзи вöчöны нин уналаын, ме газетьясысь та ймыльс лыдди дай зоотехник тадзи жö сöветуйтö.

Коновалова аслас отсасьысьлысь кывъяссö пыдди эз пукты, но век жö ас кежас кутiс думайтны: «Кызди нö сiдзи? Миянлы жö колхоз трудоденьяс тэчö порсьпи лыд серти, а оз яй сетöм серти. Сiдзкö, маткаяс долженöсь пышъявны да пиянасьны во гөгөр чöж».

Татшöм сёрниыс на костын первойысь пансьылис куим во сайын нин, гожöмнас, кор öтлаын вöли на колхоз. Коноваловаöс оз интересуйт сэтшöмтор, мый свинарникьясын порсьясöс тшөгөдiгөн налөн сьökтаыс содö ёна этшаджык гожöмын пöскöтинаяс вылын видзöм серти. И та кузя порсь видзысьяс оз воны öти кывiйö.

— Анна, со эсiйö порсьыс пышъявны заводитiс — колö крöкаль дорö йöртны,— шуис кызкö тайö сёрни бöрын регыд мысти Коновалова Гирушевалы да индiс кинас инас öшйытöм энь порсь вылö.

Гирушева öткажитчис гожöм шöрын тырсьöдны маткаясöс. Сы дор чорыда сувтiс и зоотехник Капитон Дмитриевич Пономарёв.

Но Коновалова эз кöсiй сетчыны да вуджис мöд удж вылö. И таысь делöыс сöмын выиграйтiс.

А öнi бара абу дзик вираöсь Анна Степановна да отделениеса управляющöй Михаил Петрович Сапожни-

ков. Мыйын делёйс? Гашкё, Анна Степановналён характерыс сэтшөм, мый сылы окота вензыны то өтикөд, то мөдкөд. Гашкё, сыгысь сёлөмысь сылөн бурмө?

И збыль, кор төдмасын Сапожников ёрткөд — том, ассысь делөсө төдысь, мичаа да грамотнөя сёрнитны сяммысь морткөд,— кольё сы йымысь бур впечатление. А мый жө найө юкөны ас костас: Сапожников да Гирушева? Найө жө коммунистьяс?

Медым та вылө вочавидзны правильнөя, первой колө вөлі прөйдитны гидьясті. И ме мөдөдчи сэтчө. Сэні паныдаси том зоотехник Панишевкөд да Злобина Мария Степановнакөд, коді уджалө Гирушевалы отсасысьбөн.

— Миян нель порсь гид и нельнанысь некытчө туйтөмөсь,— норасис Гирушевалөн отсасысьсысь.

Порсьясөс буретш вөлі лэдзөмаөсь прогулка вылө. Кольөм войнас вөлі усьөма весьт судта кымын лым, луннысь шоныд, лөнъ, лөсьыд. Став сертигыс тыдаліс — живөтинаяс бура чувствуйтісны асьнысө сөстөм воздух вылын. Посниджыкьяс котралісны-ворсісны ас костанысь, а коромина кодъ тушаа, кузь гырка тшөгөдөм порсьяс, кодьясөс талун-аски сетасны яй вылө, гөгрөс нырьяснась вөрөдіг, сөмын упкайтісны.

Мичаөсь, гөгрөсөсь, веселөсь ставнысь. Но... няйтөсь. Мыйла? Абу канализация. Гидьясынь зэригьясөн виялө, а төлын кодзыд. Мыйла? Важөсь найө, сісьмөмаөсь, вежыньтчөмны нин. Автопоилка вежоньясь чөж мукөд дырйиысь оз уджав. Мыйла? Сы вөсна мый сійөс обслуживайтысьяс частө юсьывлөны. Анна Степановна став тырмытөмторьясь йыгвсьысь веськыда висьталө партийнөй собраниеяс вылын либө аслысь синмас Сапожниковлы. А начальстволы критикаыд тшөкыда чушө. Со мыйын и помкаысь Анна Степановна вылө тшөтитчөмлөн. Уна вөлөмкө оз и ков!

А шуны кө веськыда, Сапожниковлы эськө колө сөвесть төдны Гирушева вылө бугжылясьөмысь, син сайын сы вылө воөмысь. Прөстөй нывбаба кө кутіс дерзайтны, велөдчыны да аслас честнөй уджөн шедөдіс слава, сійөс колө ошкыны, а оз ков кедзөвтны. Од уджысь, олөмысь ышөдісны Анна Степановнаөс славнөй делөяс вылө.

Анна Степановна 1961 воө сетіс нельсө сайө порсьпи, а таво көсийсьсө ещө содтыны тайө лыдпассө. И ми

эскам сылы — коммунистическӧя уджалысь коми ныв-бабалы, кодӧс заслугаяс серти Сӧветскӧй правительство наградитіс Ленин орденӧн.

Рядӧвӧй коми нывбабалы тайӧ ыджыд, но заслуженнӧй награда.

1962 во.

МУ ПЫТШКЫН ЮГЫД

Воркута кар шӧрсянь шахтӧрскӧй посёлокъясӧ позьӧ веськавны войвыв либӧ рытыввыв кольцоод мунысь любӧй автобусӧн. Тайӧ кольцоыс сідзсӧ ӧти шоссе. Автобусъяс вӧрзьӧны карысь ӧти местасянь, вӧчӧны кытш да бӧр воӧны сійӧ жӧ местаас, но вӧрзянінсянныс ӧтияс муӧны войвылӧ, а мӧдъяс — рытыввылӧ. Найӧ паныдасьлӧны кӧнкӧ шӧр туяс. Тадзи и кытшлалӧны асьивводзсянь сӧр войӧдз.

Кызьӧд номера шахтаӧ автобус муӧ войвывлань уна посёлокъяс пыр, вуджӧ посни и гырысь шоръяс да керӧсьяс вомӧн, гӧгыльтчӧ ылӧдз шыльквидзысь эрдті. Тундра! Абу пызан пӧв кодь шыльыд. Сійӧ и гӧраӧсь, и мылькӧсь, и пӧрыштӧм посныдык ляк кустъяса.

Автобусӧн час муӧм мысти тыдовтчӧны сьӧд пирамидаяс — терриконъяс. Дас ӧкмысӧд шахталысь терриконсӧ кытшовтӧм бӧрын тыдовтчӧны гырысь зданиеяс. Стрӧйбаяс да копӧр кыпӧдчӧмаӧсь тундра шӧрын, кодъясӧс дзик немтор оз видз му веркӧсті гуляйтись тӧвъясысь.

Кызьӧд шахтаӧ ми воим сэжи, кор рытъя смена вежӧ лунсяӧс. Горнякъяс, паськӧмъяснысӧ вежӧм бӧрын, унджыкыс нин воалисны ствол дорӧ. Накӧд жӧ шахткомса председатель Михаил Петрович Лымарь. Регыд ми мӧдӧдчим паськыд шахтӧрскӧй двор вомӧн, скипӧвӧй подъёмнӧй вышка дорті, кодлӧн йылас бергалисны кык шкив. Кыдзи и быд шахтӧр, административно-бытӧвӧй комбинатын ми пасьталім шахтӧрскӧй спецовка, кӧмалім резинӧвӧй сапӧг, юр вылӧ пуктім каскаа картуз, ремень вылӧ патронташӧс моз пысалім лампӧвӧй аккумуляторъяс — шахтӧръяслысь би, пельпом вомӧн ӧшӧдім противогаз кодь самоспаситель — банка. И лоим дасьӧсь лӧччыны шахтаӧ.

Лавао лэччысь горнякъяс пөвстын унджыкыс том йөз, кодъяс воёмны войвылө му пытшкысь перйыны из шом.

— Миян шахтаса йөз былдлаысьёсь,— висьталіс Лымарь.— Буракө став страна пасьтасыс эмось: рочьяс и украинецъяс, башкиръяс и армянинъяс, чувашъяс и грузинъяс! Ме ог нин сёрнит комияс да ненецъяс йылысь. Найө тани ас йөз, гортанысьёсь. Со Минаев — буракө, Владивостокса моряк. Гриша, тэ плавайтлин Тихой океанын?— юалис сійө өти том горняклысь.

— Подмосковной бассейнын плавайтли. Ме өд туляк, бать менам вөвлі тульской оружейник,— вочавидзис Гриша Минаев.

Лымарь кужис сибавны йөз дорө, горнякъяс лыддөны сійөс ас мортөн, сёрнитөны сыжөд прөстөя. Öд шахткомса председатель — ачыс төрытъя шахтёр, кодлөн лун эз кольлы, медым сійө эз лэччыс забойө.

Пырим кыз стальной канат йылын ошалысь клетьö. И эг на удит нинөм мөвпыштны, кызди клеть лои улын, му пытшкын. Кыздкө абу лөсьыд чувствуйтны юр вывсьыд сө метр кызта му слөй. Электрической билөн море венө мупытшса пемыдсө. Тани — лунъюгыдысь на югыджык. Рудничной дворлөн бетонируйтөм стенъяс кузяла топөдчөмны өта-мөд бердас электрической кабельлөн сьөд сөнъяс.

Главной штректі муныштим водзө да кежим бокиса галереяө. Лымарь сувтис. Шахтёрской бияс дзирдышталісны сап пемыд штрекын арся войын енежса кодзувъяс моз.

Лымарь мөдөдчис штрек кузягырысь воськовьясөн, Чужомьясө швачкө вентиляциясянь кодзид сынөд. Став сертиыс төдчис: Лымарь шахтаын вөлі кызди ваын чери. И збыль, забойясын сійө ас морт. Радейтөны шахтёръяс ассыныс профсоюзной вожаксө. Сійө ылын на, а казьялөны нин: «Миша, чолөм!», «Профсоюзной президентлы — поклон!»

Мөд участокса лава, кытөні уджаліс шахтаса медбур комбайнер Вася Бекетов, лэччө крута увлань. Юр весьтын пөкатөн өшиё сьөдөн дзирдалысь кровля. Сійөс пыкөны стойкаяс. Велавтөгыд колө лэччыны бөрөн и водзөн, мешайтчөны аккумулятор да самоспаситель, но нинөм он вөч — натөг оз позь. Аккумулятортөг шахтаын өти воськов он воськовт. Шахтаын лампа первой

друг. Сытөг тани сап пемыд, а аслад биён прөйдитан любйлаті.

Со и забой. Тани перйоны из шом. Из шом пласт лампалон виж югор улын бриллиант моз дзирдало. Пластлон судтаыс морт туша серти ена джуджыдджык. Породаон топодом пласт кайис вывлань. Да, тайо некодон чуткывтом пласт, вына энергия, кодос уна нем чождздебомон видзис тундра, видзис гусяинын — му пытшкын...

Со и комбайн. Сийос первойсо съокыд аддзыны бус кымор пиысь. Сомын и кылис моторлон ыджыд шумыс, мыйысь тиралис став му пытшкыс, да посни из шом торьяс товзисны машинаысь бокко, а юр ыжда да гырысьджык глыбаяс йирк-кам гогыльтчалісны рештакьяс выло, кодос нюждомаоьс лава кузяла пласткод орчон. Ен стальной пиньяснас из шом пластсо йириг-пилитигтырйи комбайн дугдывтөг кайис вывлань. Сийо быттьо воли ловья, сы пытшкын тпкис-уджаліс корт солом, и корпусыс ставнас тиралис.

Комбайн динын Вася Бекетов сюся видзодо из шом пласт пилитысь механизм да мотор борся. Сийо, еджыд пиньяссо пемыдас жергодомон, нумъэзтіс шахткомса председателылы.

Вася аслас «Донбасс-1» комбайнон быд сменаын сето витсе сайо тонна ломтас. КПСС-лон XXII съезд честь кузя коймод участоккод ордысьсомын сийо петіс вермысьон. Комбайнер-комсомолец Бекетов партийной съездлы подарки пыдди сетіс государстволы планысь вывті 5000 тонна из шом.

...Улын кодко отаро-модаро овтыштіс понарон, быттьо визьнитіс пемыдсо. Тайо воли сигнал. Комбайн сувтіс.

— Люк улын абуось тыртот вагонеткаяс. Виччысь, кор найос сетасны,— недовольной шуис лаваса десятник Иванов.

Комбайн ланьтіс. Пемыд чов-лоньяс кылис, кыдзи мулон съокта улын рутшка-ратшкакыліс из шом пласт. Но кровля крепитома ена, и оз ворззы.

Из шом... Ыджыд вын сыын дздебсьома. Быд ичотик кусок сылон дзирдало-югьяло, быттьо ачыс косийо ыпнитны-озйыны. Великой Ленин сылы сетліс ыджыд ним: из шом — промышленностьлон нянь. Выло донъявліс Ленин и горнякьяслысь съокыд уджсо. Тайос бура тодоны промышленностьлы нянь перйысьяс.

— Эз меліа встретит мянӧс вьль шахта,— висьталіс Вася Бекетов, кор пансис сёрни.— Дыр да съӧкыда лои писькӧдчыны пласт дорӧдз. Скӧр ичиньӧн вӧлі первойсӧ кызьӧд шахтаным. Бура ковмис пӧсявлыны, но ассыным век жӧ шедӧдім.

— Эгӧ сетчӧй, чорыда сулалім,— гордӧя шуис десятник.— Да и сетчынысӧ оз позь. Со, видзӧдлӧй, кушӧм пластыс. Миян из шом не сӧмын отсалӧ вӧчны сложнӧй машинаяс, но и, колӧ чайтны, спутникъяс вӧчны. Найӧс вӧчӧмын эм и миян пай.

Кӧть мед кушӧм сложнӧй мортлӧн натураыс, сылӧн характерыс, оласногыс тыдовтчӧ регыд. Босьтам Вася Бекетовӧс. Кызьӧд шахтаын сійӧ передӧвӧй машинисткомбайнер. Сылӧн делӧясыс юргӧны шахтаса коллективын, а ачыс чӧв, спокойнӧй, некӧн некор оз зіль ошйысьны, петкӧдлыны асьсӧ. Мӧд участокса горнякъяс пӧвстын сійӧ медся том.

— Ставыс артмис кыздкӧ друг, виччысьтӧг,— висьталіс Бекетов аслас олан туй йылысь.— Ме, Вышне-Волоцкӧй хлопчатобумажнӧй комбинатса дас ӧкмыс арӧса токарь, 1956 воӧ паныдаси аслам ёрткӧд, Миша Буторкӧд, кодӧ сӧки уджаліс Воркутаын. Тайӧ тӧдмасьӧмыс и решитіс ставсӧ. Вои Воркутаӧ. Ачым жебиник, косіник. Кытчӧ вӧзйысьны? Примитісны испытательнӧй срокӧн 18-ӧд номера шахтаӧ мотористӧн. Мыйкӧ дыра уджалӧм мысти вуджӧдісны машинистлы отсасысьӧн. Сэсса помалі комбайнеръясӧс гӧтӧвитан рыгтя курсъяс.

...Бекетов оз каитчы горнякъяслӧн семьяӧ воӧмысь. Люда, том гӧтырыс — Вышне-Волоцкӧй комбинатысь жӧ вӧвлӧм ткачиха,— быдтӧ батыс кодъ жӧ вый пыр кыстӧм, дугдывтӧг толыгысь-дзольгысь кык арӧса Леночкаӧс. Нывка оз вермы виччысьны папаяслысь удж вылысь воӧмсӧ, гажтӧмчӧ.

Воргашор посёлокӧдз, кӧні олӧны кызьӧд, дас ӧкмысӧд, дас кӧкъямысӧд шахтаясса горнякъяс, на лыдын тшӧтш Вася Бекетов, шахтаясьн километрӧн-джыньӧн кымын. Посёлоксӧ шахтакӧд йитӧ струна кодъ веськыд тьӧс мостки. Смена помасьӧм бӧрын тайӧ туйсӧ прӧйдитӧн горнякъяс пӧттӧдзныс лолалӧны свежӧй сынӧдӧн.

Воргашор — ӧдйӧ быдмысь посёлок. Сылӧн уличаяс вылын туплясьӧны на известьӧн резсьӧм дӧскаяс, кирпич торпыриг чукӧръяс, лыа тыра дозъяс, енӧжлань кыпӧдчӧны подъёмнӧй кранъяс. Тӧв нюкльӧдлӧ неважӧн

на садитом ляпкыдик кустъяс. Синьясто гажодоны куим судта мича гырысь каменной керкаяс, строга пуксялом кварталъяс, асфальтируйтом уличаяс.

— Некор оз вун шахтаын арёса кага моз первой воськовъяс вочом,— казтыло Вася Бекетов.— Правильно шуоны олёма горнякъяс: шахтёр — абу на прамой шахтёр, оз ко пройдит мупытша стихиялы паныд тышыи боевой крещение. Воли и мекод мыйко сэтшом сямаыс. 18-од шахтаын на... Включити комбайн. Заводити кайны пласт полон. Комбайн уджалис бура, чорыд пласт выло быттьо скоралиг, ставнас тиралис. Ме борся сувтодалисны стойкаяс, крепитисны кровля. Но лава друг кутис ошйыны. Стойкаяс кутисны ратшкакывны. Сомын косийи выключитны комбайнос, друг — бах!.. Та борын нином ог помнит. Но ертъяс абу шойовошомоось, петкодомоось мено лаваыс. Тайо случайыс и воли менам шахтёрской крещениеон.

Бекетов лантыштлис.

— Абу правось найо, кодъяс чайтоны, мый шахтёрлон олём — дорыв подвигъяс,— водзо висьталис комбайнер.— Збыльысьсо жо, мян быд луиья олём — сийо обычной удж. Дерт, му пытшкын оз быдон вермы уджавны. Но коди нин видлис корсо шахтёрской профессиялысь, оз согласитчы вежны сийос модон.

Коть талун из шом перйоны медся современной техника отсогон, но шахтёр водзын век жо уна опаснойторйыс. То порода вермас подведитны да киссьыны юр вылад, то ылынитас ва — сыысь некычо он дзессы. Либо проходчикъяс зурасьоны сэтшом изья породао, мый сыо инмодчомысь ем моз чегьясьо медся крепыд стальыс. Либо газ аслас давлениеон нетшыштас пластысь дас, се тонна из шом. Та восна шахтёръяс быттьо бой вылынось. Та восна горнякъяс и ортсысяныыс видзоднысо суровось. Но найо пыр вынаджыкось любой стихияысь.

1961 во.

ПОВТОМ РАЗВЕДЧИК

Сюрс окмыссё дас окмысод вося февраль толысь помын красной отрядса командир получити приказ: Кыдзкарянь отступитны Ижмао, но, дерт, не Няша пыр, кони сулалисны белойяс, а вортисысь веськыда — Пыша

кушник пыр, көні лун и вой помся дежуритисны-видзисны туйсö — кызь гөгөр красной боец.

Сиктöс отряд колис чöла: зыктöг да шумтöг. Кыздарса партизанъяс семьяясыскöд прöщайчисны керкаясаныс, ывлаö ни гöтыръяс, ни мамъяс, ни челядь эз петавны. Ена шумитны эз позь сы вöсна, мый Печора ю кывтыдын, Кыздарсянь кызь километр сайын — Няшаны — сулалис белöйяслөн отряд да сылөн штабыс. Кыздарса кулакъяс пöвстын налөн вöлисны агентъяс, кодъяс гусьон сетавлисны наон кыйом сведениеяссö белöйяслөн штаблы. И збыльысь, дяк Сирсин да сиктса кулакъяс ручьяс моз кысъясисны, исасисны краснойяслөн штаб гөгөр. И кутшöма көть эз зиль краснойяслөн отрядыс гусьон бöрынтычыны Кыздарысь, кымынкö час бöрын та йылысь вöли нин юөртöма Няшаö.

Белöй бандитъяс регыд примитисны ассыныс мераяс. Найö мөдөдисны Кыздарö — «большевицкөй заразалөн» центрö, кыззи найö нимтисны Кыздарöс, — дас вит морта отряд. Чож көръяс, кодъясöс нем жалиттöг бандитъяс тувкөдисны харейясөн, зумыд йиа Печора ю кузя öдйö вайисны найöс Кыздарөдз.

Сиктса озыр йöз — кулакъяс, дякөн Сирсин, поп Николай да мукөдъяс — вичко звөнөн встретитисны белöйясöс. Кор встречалөн церемонияыс помасис, белöй отрядса начальник Яран Як гөститны пырис дякөн ордö, кодлөн пиыс, Гришаыс, вöли доброволецөн белöй отрядас жö. Тайö жö дас вит морта отрядас вöлины нöшта Кыздарса кык доброволец — Алöй да Лупа, кодъяс мукөд ёртъяссö разөдисны кодöс ас орданыс, а кодöс мукөд озыръяс ордö. Сиктын недыр кежлö пуксыылис чöv. Сöмын сийö керкаясын, көні пукалисны, сөйисны-юисны белöй салдатъяс, кылисны мургöм да коддзöмъяслөн гөрöктöмөн серöктымöмъяс.

Сиктса йöз полисны петны ывлаö.

Белöй отрядлөн начальник Яран Як дяк ордын пукалис пызан сайын шöрас, быттьö ыджыд гөсть. Сийö вöли öш кодь тшöг да вира. Кор юас стöкан куим еджыд вина, чужöмыс сылөн сэки чуть вирсьыс оз пот, а синьясыс гудыр шомйöлö пөрöны.

Сирсин дяк прамöя нин гажмис. Сийö сюськайтöмөн чай юигөн норасис Яран Яклы краснойяс вылö:

— Сю-сю, Яков Фёдорович, сю-сю, ми, сю-сю, эг и лысьтлөй краснойяс дырийыд, сю-сю, ывлаті ветлөдлыны.

— Ми налы пуктам пом, отеч дякон,— буркнитіс Яран Як.

— Сю-сю, Яков Фёдорович, Кыдзкарыд өд большевикъяслөн поз. Сю-сю, ме тэд инда став красной семьястө,— водзө ёкмыляліс ассьыс сөй кывсө коддзөм дяк.

— Да, да. Ми сейчас мөдөдчам найояс ордө «гөститны»,— а сэсса олыштөм бөрын содтіс:— Тэ вот мый, отеч дякөн. Ветлы Пөтап Көста ордө да кор сійөс понятоявны, а локтігмозыд видзөдлы сикт помын сулалысь часөвөйөс, гашкө, стервоыд узьө да.

Отеч дякөнөс мөдысь тшөктыны эз ковмы. Сійө пыр жө пасьтасис да муніс. Ас кежас колныны Яран Як да дякөнлөн джуджыд морөса гөтырыс, коді пызан сайын пукалігчөж эз вештыв синъяссө дона гөсть ылысь. Яран Яклы тайөс казавны эз вөв сьөкыд. Налы кыкнанныслы вөлі колө дякөн мунөмыс...

Час мысти кымын Сирсин дяк, повзьөм чужөма, пырис ас жеркаас тэрмасьөмөн. Синъясыс вөліны кольча кодьөсь.

— Яков Фёдорович, сю-сю. Яков Фёдорович, сю-сю,— тэрмасис дякөн.

— Мый сэтшөмыс?— скөра шуис Яран Як.

— Сю-сю, Яков Фёдорович,— бара заводитіс дякөн.

— «Сю-сю» да «сю-сю», но мый — висьтав төлкөн!— дзикөдз скөрмис Яран Як мыкталысь дякөн ылө.

— Сю-сю, Яков Фёдорович, сиктө пырис өти красной да кыкөс нин ранитіс.

Яран Як ыджыда ёрчыштіс да тэрмасьөмөн, паськыда восьлаліг, петіс ывлаө.

* * *

Дякөнлөн повзьөмыс эз вөв прөстө. Краснойяслөн отряд, коді колян луно мунліс Кыдзкарысь, өні сулаліс Печора юлөн шуйга берегын, сук бадь кустьяс сайын. Штаб тшөктөм серти отряд бөр локтіс Кыдзкарё, но разведка вөчтөг эз көсий пырны сиктө. Кыдзкар улө отрядса боецьяс воисны мудзөмаөсь: өд өти суткиөн бөра-водза лои вөчөма сө километр сайө.

Красной отрядлөн командир мудзөмсө сідз жө ёна чувствуйтис, но боецьяс водзын сійө эз петкөдлы тайөс.

а, мөдарө, кызди сяммис, кыпөдіс настроениенысө боецъяслысь, сёрнитіс да шмонитіс накөд. Кор сувтісны бадь кустъяс сайө, командир мөвпыштіс, кодөс мөдөдны сиктө разведкаө. Видзөдліс боецъяс вылө да синмас уси томиник, но ёна сюсь да збой Тырин. Тырин вөлі кыськө Усть-Вым дорысь. Краснөйяс дорө воис доброволецөн. Сылы вөлі сөмын на дас көкъямыс арөс да отрядын вөлі, пөжалуй, медся томөн. Быд тшөктөм, кодөс сетліс сылы командир, вөчліс сійө өдйө да өкуратнөя. И өні, кор отрядын ставыс мудзөмаөсь, разведкаө ыстыны Тыринысь бурджык мортөс командир эз аддзы.

— Тырин, ме дінө!— горөдіс командир.

— Ме кывза, командир ёрт!— тэрыба шыасис том красноармеец.

— Тырин, тэд ковмас кайлыны сиктө. Час мысти кө он лок, ме мөдөдча став отрядөн...

Недыр мысти Тыринөс рөдтөдіс нин сиктлань вөсни кока, но топыд яя Карко.

Век өтарө сукмысь рытъя пемыдыс регыд дзикөдз дзебис сійөс отряд син улысь...

Куим-нөль төлысь чөжөн Кыдзкарөс Тырин төдмаліс ассыс чужан сиктсө моз жө. Сы вөсна сійө решитіс сиктө пырны не кывтыдла помсяныс, кыті ю вывссянь кайнысө кырыис ёна крутджык, а катыд помсяныс. Карко тэрмасьөмөн катөдіс сійөс первойя керкаяс дорөдз, а сэсся сувтіс. Тырин видзөдіс водзө, сикт шөрланьө, көні бронвидзис паськыд пу вичко. Видзөдіс, кывзіс, но нинөм эз аддзы ни нинөм эз кыв. Сэк Тырин решитіс галопөн прөйдитны сикт кузя, и минута бөрын кымын вөлі нин сикт шөрын. Друг сьмөн пельясыс кылісны зычитөм шы, а сэсся шков, кылө, лыйисны. Тырин гөгөрвсис, мый сикт помас көнкө сулалөма часөвөй, коді либө нарошнө лэдзис пырны сиктө, либө бөрыннас нин казяліс сійөс.

Веськыдвылын, дзюляник важ керка дорын, көні кылісны гөлөс шыяс, вуджрасисны куим-нөль морт. Тырин пырысь-пыр гөгөрвоис, мый сэні вөчсьө. Сійө керкаыс вөлі Пибилөн. Пиби доброволецөн муніс краснөйяскөд. Думайтны кад эз вөв. Öти здукөн Тырин чеччыштіс чож Каркоөн канава вомөн да матыстчис Пиби керка дорө. Керкапытшкөсса став кламсө кык белөй бандит буретш вөлі петкөдөмаөсь ывлаө да лөсьөдчөны нуны.

Сэн жö 'туплясьöмөн бöрдисны белöйясөн усьтöдзыс нöйтöм Пиби гöтыр да дзоляник нывкаыс.

Тырин галопөн воис бандитъяс динö да öтисö вöвнас уськöдис кокйывсьыс, а мöдыслы дженъыдик кавалерийскöй винтовка прикладнас зутшкис балябöжас. Белöй бандитъяс эз виччысьны на вылö татшöм уськöдчöмсö да шöйöвошисны. Тырин вöв вылысь лэччывтöг нöшта кык-куимысь прикладнас тувкнитис кокйывсьыс усьöм белöй салдатлы да бөр öдийö петис тракт вылö. Друг шуйгаладорсянь бара кылис лыйöм шы, но пуляыс только ивöстис юр весьттыс. Сэсся кутисны кывны котöртысьяслөн кок шыяс. Мый вöчны? Тырин гөгөрвоис, мый сиктысь петны öнi сёрнин. Сэк сийö дыр думайттöг скачөн мөдöдчис краснöйяс штаблөн вöвлöм керкалань, кодi сулалис тракт шуйгавылын.

Уна жыра кык судта керкаын, көзяйкасьыс кындзи, некод эз вöв. Муртса удитис кайны выли судтаас, кыдзи тай кутисны ывла вылын öтарö век ёнджыка и ёнджыка сукмыны лыйсьöм шыяс. Öшиньясьысь стеклöяс зильгысисны.

Мый вöчны öти мортлы, кор сы вылö воöны дас витöн? Татшöм юасьöм Тыринлы юрö эз волю, сийö корсис тöлк да места наступайтысьяскөд водзасьöм вылö. Сылөн сёрсьыс вöли сöмын дас вит патрон да кавалерийскöй винтовка, а кык гранатасö, кодъясöс вöли суйöма седлö сумкаясö, тэрмасьöмлаыс босьтнысö вунöдис.

Тырин надзöникөн петис посводзö да кутис видзöдны, кутшöмджык местаясын ыпниталисны лыйсьöмысь бияс, а сэсся кутис лыйлыны воча. Шочиника лыйсигтыр посводзын Тырин öлис час джын кымын да, кодыр сылөн колис кык патрон, пырис бөр битöм керкаö.

Кык патрон... Лыйныснин жаль. Кысьсьöмөн матыстчис катыдö видзöдысь öшинь дорö да гусьөн видзöдис ывла вылö. Орчча керкалөн кильчö вывсянь белöй салдат сöмын лыйö да лыйö. Тырин метитчис да розя öшинь пыр гыпнитис сылы. Кылис öйöстөм да кильчö пос вылö винтовка усьöм шы...

Недыр мысти Тырин лыйис медбөръя патронсö да кольчис винтовка приклад вылö надеяөн. Сийö вуджис первойя комнатаö да пуксис джоджас: ортсысянь лыйсьöмьяс көть и шочмисны, но эз ланьтны. Друг Тырин кылис удор судтаö кодлыськö пырöм. Сийö кылис кань

моз ньөжйö матыстчысь кок шыяс. Тырин дыр думайт-тöг уськöдчис воча да горöдiс:

— Руки вверх!

Тыринлөн горöдöмыс сэтшöма повзьöдiс локтысьöс, мый весиг сийö винтовкасö шыбитiс джоджас да пышйис ывлаö. Тырин босьтiс белöйлысь мырддьöм винтовкасö, кодлөн магазинас вöли нель лыйтöм патрон. Лыйсьöмөн сийö кöсийс сетны тöдны Печора ю сайын сулалысь краснöй отрядлы сыөн пикö сюрöм йылысь, но... отрядлөн воöмыс эз тöдчы.

Медбöрын том красноармеец решитчис ас мудерлун вылас: лэччис улi судтаас да пач костсьыс кыкис вельöпöрöм кöзьякасö, корис сийöс ас бöрсяыс выли судтаас. Сэсся восьтiс пач пöдансö да пачас суйис кыкнан винтовкасö.

— Ме пыра пачас, а тэ тупкы пöданнас. Белöйяс кутасны юасьны, кытчö ме лои. Висьтав, мый сарайти-ыд пышйи. Час джын мысти локтасны краснöйяс, и ме сэк бөр пета,— велöдiс тiралысь кöзьякасö Тырин. Сэсся нöшта солтiс:— Тэ кö менö индан налы — ловйөн он коль! Гөгöрвоин?

Тырин став паськöмнас пырис пач пытшкö: юрнас пытшланьö, а кокъяснас ортсыланьö. Пач пытшкöсыс вöли бура ыджыд, но Тыринлы ёна на лои сюркнясьны. Сийö пидзöсчанясис, а мышнас мыджсис пач сводъяс. Пачын кылис пöжалöм нянь дук, лолавны вöли сьöкыд. Лои кымыныськö несйыны.

Кор пач пытшкын Тырин дугдiс вöрны, кöзьяка тупкис сийöс кыз пач пöданөн да тэрмасьöмөн лэччис улö. Сылөн лов вирьыс личалис. Но мый вöчны водзöсö, ачыс эз тöд. Друг воссис öдзöс, да сийö кылис куим-нель мортлысь горöдöм:

— Руки вверх!

— Тайö ме, ме — кöзьякаыс! — кияссö надзöник кыпöдiг шуалис сийö.

— А, тэ! — шыасис посводзсянь белöй салдат Алöй, кодi неважөн на садь быртöдзыс повзьöмысла шыбитлис винтовкасö, а öни думсьыс кöсийс бөр адззыны сийöс.

— Көн краснöй сволочыс? — медводдза юалöм вöли Яран Яклөн, кодi век на полис пырны керка пытшкö да сёрнитiс кысянькö пемыдсяньыс.

Тайö керкаса кöзьякаыс синнас эз вермы адззыны краснöйясöс. Краснöйяслөн штабыс на керкаын олис тö-

лысь куим гөгөр. Көть найо лёксө сылы нинөм эз вöчны, но век жö лөгалис на вылө. Сийö вöли озыр кулаклөн гөтыр. Верöсыс сылөн шöйтис көнкө белöйяскөд жö, и сийö думсьыс тшöтш виччысис ассьыс мужиксö.

— Со мый, господин начальник, ме инда кöнi сийö, но сöмын некодлы эн висьталöй та ймыльс,— пöшти вашкөдчан гөлөсөн заводитис кöзяйка.

— Но-но, дженьыдджыка тэ сьыв!— збойджыка нин кутис сёрнитны Яран Як да воськовтис порог вомöныс керка пытшкө. Сийö казялис, мый опасность öнi абу нин.

Кöзяйка индис Тыринлысь дзесьянинсö, но белöйяс сразу кайны Тырин динö эз лысьтны. Найö полисны, мый краснöй разведчик куш киён эз кольчы. Белöйяс чайтисны, мый Тыринлөн сёрсьыс эм граната, кодос сийö вермас шыбитны медбөрья минутас. Белöйяс öдйö петисны ывлаö да пачвесьтса öшинь улас вöчисны додыясысь, кокаясысь да телегаясысь джуджыд чукөр, а сэсся жугöдисны öшинь четвертьяссö да помся кутисны лыйлыны пач вомö. Көрт пач пöдан сöмын бринякылис пулясөн лотшкөдöмысь. Медбöрын көрт пöдан, кылö, уси джоджас. Сэк Яран Як горöдис:

— Пырны керкаас да кыскыны мерзавецос кокöдыс!— сылы салдатьясысь яндзим лон: öд öти мортос дас витөн оз вермыны босьтны. Вирөн ойдөм Тыринос лёкысь кыскисны пачысь, сийö телсын — унджыкыс кокъясас да киясас — вöли дас вит гөгөр лосни да гырысь рана. Яран Як заводитлис допрашивайтны Тыринос, но нинөм сыысь эз артмы,— Тырин весиг вомсö эз восьтыв.

Вирөн ойдөм Тыринос öти белльö кежысь Алöй да Лупа шыбитисны кильчö дорын сулалысь пу доддьö, а сэсся кыскисны сикт сайö вөрö.

— Но, Алöй, клопнит!— шуис Лупа вөр дорö воём мысти да путкыльтис Тыринос лым толаö.

— Кулөмсö öд мөд пөв он ви, лымнас тыртыштам дай энöвтам,— вочавидзис Алöй.

Сидзи и вöчисны да бөр бергөдчисны сиктлань.

* * *

Пöрысь Корнелийлөн внучкаыс тарыт эз путымы мунны войпукан керкаö да водз-водз бөр локтис гортас. Кильчö вылас кайигөн сийö повзьöмысла мый вынсьыс горöдис, а сэсся лэччигмозыс тарк-тарк вöчис öти öшиньö.

Кор Корнелий дедыс петис восьтыны кильчө өдзөс-сө, сідз жө неуна повзыштис. Кильчө вылын өти белье кежысь тімбыльвидзис төдтөм морт. Тайө вөлі Тырин. Корнелий дед чуксалис отсөг вылө внучкасө, и найө краснөй разведчикөс пыртисны керкаас.

Сийө жө войнас Кыдэкарө пырис краснөйяслөн отрядыс. Корнелий дед водз асымын лэччис штабө да висьталіс Тырин йымысь.

Краснөй разведчик Тырин вөлөма винёв. Ижмаса больничанын төлысь куйлөм бөрын бурдіс да гражданскөй война помөдз пыр медводдза радъясын тышкасис Коми крайысь белөй бандаөс бырөдөм кузя.

1938 во.

СЬӨЛӨМТӨ ОН ЫЛӨД

Висьт

Иван Пименов да Нина Ладанова өта-мөдсө эз корсьны. Налөн олан туйясыс кызкө асьныс өтлаасисны Сыктыв йывса өти лесопунктын.

Пименов тайө посёлокас вөлі важся уджалысь — трелойтис делянкаясысь вөр, и эз нин первой во славитчы аслас бур уджөн. А томиник инженер Ладанова воис выльөн на, уджаліс технорукөн. Пименовлы комын арөс саяс, но пыр на гөтыртөм.

— Пөрысьман, другө, гөтрась,— көритлісны сийөс другьясыс.

— Нинөм, ми вок вылө дон оз усь,— вочавидзліс Пименов.— Миян сиктын Мирон дядь сизимдас арөсөн гөтрасис, а меным сөмын на комын нель...

Кыв песысьяс вымын ачыс гусьөн сералис: «Шмонитөй, көритөй! Регыд синнытө шармөданныд...»

Гөтрасьөм йылысь мөвп Пименовлөн чужліс важжөн, кор на, кыз шуласны, мам йөлыс вом дорсьыс эз вөв косьмөма. Сылы тырис дас көкъямыс арөс, кор садь быртөдз радейтчис асланыс сиктса ныв вылө. Ныв эз өтдортчы. Найө шуисны вөчны гажа свадьба, овмөдчыны өтлаын. Тайөс вөлі шуөма чорыда. Но гырысьясөс пөчитайтөм ради, том жөник решитис сөветуйтчыны аслас рөднjackд.

Первой шыасис аслас мамыс дінө. Небыд сьөлөма мам, коді дөвуйтөмөн быдтис куим пиос, писянныс татшөм кывъяс кылөм бөрын первойысь кватитчис, мый медыджыдыс быдмис нин гөтралан выйөдз. Нывбабалөн нимкодъясла гөрддзасис горшыс, син доръяссыс чепөсйис синваыс. Лөз чутось еджыд чышьян помнас сийө тільыштіс синъяссө да шуис:

— Ачылд төдан... Овнысө тэныд, абу меным,— сэсся видзөдліс пиыс вылө меліа да содтіс:— Иван дядьтө эн өбөдит: сийө отсөгөн да сөветъясөн быдмин.

Пименов муніс дядьыс дінө, яндысьөмпырысь висьталіс аслас мог йылысь.

— Гөтрасьны? Абу водзджык на? Гашкө, челядь ру вөснаылд гөтрасян татшөм водз?

Пименов вылө быттьө юр вывсянныс кисьтісны йиа ва... «Челядь ру». И тайөс шуис радейтана дядьыс.

Но тайө пытшкөсса тышыс эз дыр мун. Пансис война, и Иван первойяс лыдын муніс дорйыны Рөдинаөс. Невестаыс көсйысис виччысьны сийөс.

Танкөвөй училище, кодөс сийө помаліс квайт төлысьөн, фронт, кыкысь ранитчылөм, война воясө невесталөн мөд сайө мунөм — ставнас вежисны Пименовөс. Армияысь демобилизуйтчөм бөрын сийө воис гортас ыджыд вежөрөн нин. Первойысь паныгласигөн жө дядьыс, колхозын юралысь, шуткаөн моз шуис:

— Вот өні, Ваня, тэныд колө гөтрасьны да заводитны уджавны колхозын. Тэ — менам смена!

Пименов мудер синъясөн видзөдліс дядьыс вылө, эз шу паныда кыв, көть эськө юрас кутіс мөдтор. «Эн тэрмась, дядь,— думсьыс кайтіс сийө.— Оти пөръяліс, и — тырма!» Танкист Пименовөс кыскис техника, и сийө муніс лесопунктө, пуксис трактор вылө.

Пименов эз лыдды асьсө пөрысь жөникөн. Надейтчис, мый лесопунктса любөй ныв мунас сы сайө. И буретш сэки воис сэтчө виль технорук — Нина Ладанова. Нинөм синмө шыбитчанаыс сьлөн эз вөв. Лесопунктса начальник том техноруклысь документсө видлалігөн зілис лоны вежливөйөн, но ас кежас думайтіс: «Быттьө леспромхозын оз төдны, кутшөм технорук татчө колө... Нывкаөс ыстөмаөсь».

Ладанова воис сьөлөм вылас Пименовлы: скромнөй, төлка, кужө йөз дінө сибөдчыны.

...Колис во. Ладанова йылысь начальниклөн мнениеыс вежсис. Сійö некыдз эз чайт, мый шабді кудель кодь юрсиа да кельыдлөз синъяса тайö скромной нылыс делö тöдöмөн кутас веськөдлыны уджнас. Нина лои начальниклөн веськыд киён.

Отчыд технорук пырис начальниклөн кабинетö да казяліс — начальник зумыш.

— Мый сэтшöмыс, Андрей Степанович?— юалис Нина.

— Кыдз тулыс, сідзи и кодöскö курсъяс вылö.— Начальник петкөдліс леспромхозысь воём бумага.

— Кодös, кытчö?

— Иван Пименовös, медбур трактористös, Сыктыв-карö механикъяс гөтөвитан курсъяс вылö тшöктöны мөдöдны.

Тайö кывъяс бöрын Нина, аслыс тöдлытөг, пуксис диван вылö, бледöдыштис, кутис мыйкö корсьны зепъяс-сьыс. Андрей Степанович казяліс нывлысь падмöмсö, но гөгөрвоис тайös ас ногыс:

— Аддза, тэныд жаль жö лэдзны участокысь медбур трактористös. Но мый вöчны?

— Мый тані лёкыс, Андрей Степанович?— кутис асьсö Нина.— Йöзлы колö велөдчыны и велөдчыны.

Начальник ордысь гортас мунігөн Ладанова вöлі жугыль. Сьөлöмыс доймис. Бөръя кадö Нина лыддис асьсö шудаён, лөсьөдчис шудсö ыдждöдны, паськөдны, но эз öтнасөн, а Пименовкөд öтвылысь. Öні, көкъямыс төлысь кежлö торъявлөм бöрын, ставыс вермас дзуг-сьыны.

И кутшöмкö тыдавтөм гөлös бытьö вашкөдіс: «Правильнö, Нина! Механизаторъяслысь кадръяс колö быдтыны. Колö ыстыны лесопунктысь велөдчыны медбур механизаторъясös»: А мөд гөлös, вынаджык, шөпкөдіс мөдös: «Эз ков сöгласитчыны ыстыны Пименовös».

Нина зілис пöдтыны мөд гөлössö.

Начальниккөд сёрни бöрын найö паныдасисны сöмын коймөд луннас. Кор гараж дорсянь, кытчö сöмын на сувтөдіс асьыс тракторсö Пименов, найö мөдөдчисны посёлоклань, Нина веськөдя моз юалис:

— Вöлін начальник ордын?

— Да,— дженьыдика вочавидзис Пименов.

— И мый?

— Ставыс бур...

— Сӱгласитчин?

— Ме салдат, велалі выполняйтны приказъяс,— шуис Пименов, а сӱсся видзӱдліс Нина вьлӱ да кьдзкӱ друг мӱд ногӱн содтіс:— Но меным окота тӱдны, кушӱм сӱтшӱм право серти тӱ, Нина Алексеевна, сӱгласитчин та вьлӱ?

— Ме?

— Да! Начальникыд меным ставсӱ висьталіс. Ме кӱ тані лишнӱй, позис веськыда шуны...

— Мый тӱ, йӱймин!— синва сорӱн горӱдіс Нина.

— Пока эг на!

Пименов эз кывзы. Иванӱс скӱрмӱдіс эз сійӱ, мый ыстӱны курсъяс вьлӱ. Сылысь пытшкӱссӱ ныж пуртӱн кырыштісны начальниклӱн кывъяссыс: «Нина Алексеевна кӱд сӱветуйтчи. Зӱв пӱ бур».

Тайӱ кывъяссыс вӱрзӱӱдісны Пименовлысь самолюбиесӱ. «Пӱрысь жӱник», кьдзи сійӱс шуткаӱн нимтывлісны, велалӱма овны ас вежӱрӱн, дай мортыс вӱлі ас ныра кӱд. «Оз, тӱдзи оз артмы, Ниночка,— скӱрысь думьштіс Иван,— водзджык на ме вьлын кӱзӱйничайтнытӱ!»

— Став бурсӱ! Аски ме муна...— шуис гораа, а сӱсся бергӱдчис мӱдарӱ да муніс.

Нина коли сулавны посӱлокӱ лыранінын. Нывлы кажитчис, мый тайӱ мортыс муніс сы дорысь ылӱ-ымӱ... Но, мӱдарӱ кӱ, на костын нинӱм на эз вӱв, кӱть и аслас сӱлӱмыс кыссис Пименов дорӱ.

...Пуксис ар. Изйӱдз кынмӱм му вьлӱ, быттӱ ворсӱдчигмоз, заводітсны воавны посни лым чиръяс. Ывлаыс ыркыд. Парма сулаліс лӱня, величественнӱя, виччысис трачкӱдчысь тӱв пуксьӱм.

Самолӱт плавнӱя пуксис вӱрбердса площадка вьлӱ. Сӱсь муртса удитіс чечыштны пассажир, и самолӱт вьлысь кыпӱдчис воздухӱ.

Лесопунктса посӱлокӱдз тасянь вит километр. Но самолӱтӱн воысь пассажир тайӱ вӱлӱксӱ вуджис ӱдйӱ да рӱмдігас на пырис посӱлокӱ.

Тайӱ вӱлі Пименов. Со сійӱ бара рӱднӱй посӱлокын, кодысь сӱтшӱма нин быри гажыс! Татчӱ сійӱ воис коймӱдысь. Первойысьсӱ — дас нель арӱса детинкаӱн. Сӱк сійӱ вӱлі кер кыскалысь ямщик. Тӱвбыд дюжкйӱдліс кыскаліс соседыслӱн дыш Қаркоӱн делянкасянь катище-

өдз керъяс. Мөдысь — фронт вылысь воём бөрын, а өни курсьяс вылысь воис механикөн. Пименов волнуйтчис... Курсьяс вылө мунигас сійө ыждалис Ладанова вылын, а сэсся эз вочавидз сьлөн письмө вылө. Кутис ассьыс «марка»: мед кутас тодны, кьдзи колө Пименовкод кутны асьсө. Но гажа тулыс, жар гожом, Нинаысь дыр кад кежлө торъявлөм небзьөдисны Иванлысь сьөлөмсө. Пименов ачыс гижис Ладановалы, но öтветыс эз во. Гижис мөдөс, бара эз во. Пименов кутис скöравны Нина вылө, думсьыс грöзитис бьдсяматорнас.

Но мый көть эз думайт Пименов, Нина йылысь мөвпьяс век жö эз эновтлыны сійөс.

«Тайö нö мый татшöмыс?— синъяссö тилигтыр ассьыс юалис механик, кор матыстчис посёлоклөн первойя керкаяс динö.— Öти, кьк... вит... сизим... дас выль керка быттö тшакъяс бьдмöмны».

Воис туйысь неуна бокын сулалысь тöдса скамья динö, шапканас чышкалис скамья вылысь вöсни лымсö, пунктис чемодансö, пуксис.

Синъясыс сатшкысисны паныда öшиньö, көни мигаитис югыд би.

Пименов дыр эз вермы вештыны синсö тайö öшиньысь. Сійö думсьыс виччысис нывлысь петкöдчöм. Но кадыс вöли сöмын на витöд час, и Нина, дерт, эз вöв гортын.

Кытчö пырны? Пименов эз көсйы кодöскö дзескöдны. Сыктывкарсянь на сійö ыстис лесопунктса начальниклы телеграмма: корис куим морт вылө квартира. Андрей Степанович — морт чуткöй, а өни, кор стрöйтöмаöсь та мында выль керка, квартира йылысь уна сёрни оз ло — регыд сетасны.

Кор Пименов аслас чемоданөн шумөн-гамөн пырис лесопункт контораö, коридорас некод эз вöв. Здук мысти начальник кабинетысь петис тöдтöм олöма нин нывбаба.

— Начальникыс ас ордас?— шыödчис Пименов сы динö.

— Абу,— шуис нывбаба.

— Тi жö сы юрдысь петинныд?

— Ме — уборщица... А тi, пиукöй, Сыктывкарсянь али районсянь?

— Питерсянь,— шуткаөн вочавидзис Пименов да пунктис чемодансö джоджас.

— Пиукöй, öнi Питерьд — Ленинград. Ми жöть абу ёна грамотнöйöсь, а сэтшöмтортö тöдам,— кöритыштіс нывбаба.— Командировошнöйяслы мяян эм торья комната. Ме тiянылы инда...

Воссис кутшöмкö öдзöс, кыліс нывбаба гөлöс:

— Агафья Петровна, мед начальник трубкасö босьтö, районсянь звöнитöны!

Öдзöс бөр пöдлассис. Уборщица бергöдчис, пырис начальник кабинетö, а сэсся регыд мысти петіс.

— Агафья Петровна!— нюмъялігтыр шыасис Пименов.— Менö дивитінныд пöрьясьöмысь, а ті ылöдчанныд жö. Начальникыд ас ордас.

— Сійö оз эшты, доклад гөтöвитö... Öти да мөд öтарö звöнитöны. Да ті нöшта пыранныд. А смена помасьöм бöрын мастерьяс воасны. Кор нö сэсся гөтöвитчас?— шуис нывбаба да юалис:— Сыктывкарсянь?

— Сыктывкарсянь, Агафья Петровна, Сыктывкарсянь.

— Но-о, ылісянь тай. Пыралöй, инöсь. Сöмын, мися, öнi дзик некор сылы,— шуис Агафья Петровна, сэсся петіс ывлаö.

Пименов босьтіс чемодансö, матыстчис кирпич рöма клеёнкаöн öкуратнöя эжöм öдзöс дорö, ки рötшнас тукнитіс. Öтвет эз кыв. Но Пименов век жö пырис, а кор видзöдліс гөрд нойöн вевттьöм пызан ылö, аслас синьяслы эз эскы: начальник пызан сайын пукаліс... пукаліс Нина.

— Пуксьöй, Пименов ёрт. Ме жывза...

— Нина... ме...— Пименовлы эз сюрны колана кывьяс.

— Эн тöд, мый ме Андрей Степанович местаын? Артмис сідз. Сійö — леспромхозын, а ме сы местаын. Зэв бур, мый воин. Ёна виччысям.

Нина муртса юрсö копыртыштіс да быттьö мыйкö кöсйис уськөдны тöд ылас, а сэсся босьтіс неыджыд бумага лист да кутіс гижны.

— Со тiянылы квартира ылö разрешение. Сетам сэгшöм квартира, кутшöмöс коринныд... Семейнöйöс... Устраивайтчöй,— Нина чургöдіс Пименовлы бумага лист.

Пименов эз сувт. Нинаöс татшöмөн сійö некор на эз аддзыв. Пименов юрын гудьртчис ставыс, сійö эз тöд, мый шуны. Но вежöрас сөдзис öтитор: Нина олöмын

лоома вежсьом не сомын служба кузя. «Бурджыкӧс ад-дзӧма!»— вирдыштис юрас.

— Овмӧдчӧй талун-аски, а сэсся — удж вылӧ,— вы-льысь шуис Нина.

Пименов сувтис, матыстчис пызан дорӧ.

— Нина... ме сэтшӧм жӧ... кутшӧм вӧлі тулыснас... Гашкӧ, тэ водзын мыжа, но кӧсья тӧдны, мый тайӧ ста-выс лоӧ? Висьтав веськыда: эм тэнад олӧмад вежсьӧмъяс сыысь кындзи, мый тэ лоин начальникӧн?

— Менам?— кельыдлӧз синъяснас веськыда видзӧд-лис Пименов вылӧ Нина:— А тэнад?

Нина перйис пызан йӧрсыс телеграмма, мыччис Пименовлы.

— Правильнӧ!— серӧктис Иван.— Ме, тэ да...

Қор уборщица Агафья Петровна пырис начальник ка-бинетӧ, сійӧ адзис: Сыктывкарысь воӧм морт да Нина Алексеевна гӧрдӧдӧмӧн да сыысь яндысиг ылыстчисны ӧта-мӧд дінысь...

«Жӧникыс, тыдалӧ...— думыштис нывбаба.— Том йӧз...»

ВАЖСӦ ЭН КАЗЬТЫВ

Висът

Илья Лукич чеччис пызан сайысь, кокъяссӧ веськӧдиг-моз прӧйдитчис кабинетӧдыс бӧра-водза да матыстчис ӧшинь дорӧ.

Букыд шоньд лун нӧровтис рытлань. Кӧть коръя пуяс вӧлісны нин пасьтӧмӧсь, посӧлок гӧгӧрса вӧрлӧн век жӧ вӧлі аслыспӧлӧс мичлун. Гвоздӧв сулалис ӧшинь дорын да любуйтчис ар помӧн. И друг сійӧ казялис посӧлоклань локтысь верзьӧмаӧс.

«Қоді тайӧ?»— зілис тӧдмавны Гвоздӧв.

Верзьӧма матыстчис и матыстчис посӧлоклань. И Гвоздӧв тӧдіс воысьӧс. Тайӧ вӧлі Марья Ракина, ко-дӧс сійӧ ӧні и виччысьнысӧ эз куж...

Гвоздӧв да Ракина вӧлісны бур тӧдсаяс. Найӧ быд-мисны да том кадсӧ коллялісны ӧти сиктын, кӧні Марья Васильевна ӧні колхозса председатель. Сэні олӧ Гвоз-дӧвлӧн мамыс. Сы ордӧ неважӧн мунис овны Илья Лу-

кичлөн өтка нылыс — Галяыс. Дерт, посёлокын кө вөлі среднёй школа, Илья Лукич радейтана нывсө некытчө эз лэдз. Но мый керан? Посёлокын сөмын восьмилетка. Галялы ковмис быть мунны. Оні батя-ныла гажтөмчөны, та вөсна быд выходной луно нывкаыс воывлө посёлокө.

Куим во сайын кувсис Гвоздёлөн гөтырыс. Гвоздөв колис комын көкъямыс арөса дөвечөн. Сийө вөлі крепыд морт и кужис пөдтыны шогсө. Но посёлокса олысыяс век жө аддзисны: Гвоздөв воддза серти лои жугыльдзык, эз воысы матысса төдсаяскөд, ундзык кадсө колляліс удж вылын, чужөмыс чуқырөссис. Морт, дерт, век на сулаліс өшинь дорын да переживайтис, гажтөмчис, аслас мөвпяясас вөйтчөмөн.

«Мыйла сийө тани?» — думайтис Гвоздөв.

Гвоздөв да Ракина бөрья воясө аддзысьлывлісны шоча, векджык райцентрын: совещаниеяс вылын, партактив вылын. На костын сёрнияс вөвліны дженьыдөсь да официальнойсө. Сөмын бөрья аддзысьлөмыс вөлі мөд пөлөсджык. Төлысы сайын кымын Гвоздөв да Ракина аддзысисны райкомын, и Илья Лукич вайөдіс аслас машинаың Ракинаөс гортөдзис. Кызы километра вөлөк вуджисны регыд. Марья Васильевна корис Гвоздөвөс кежавны сы ордө:

— Важ төдсаяс өд ми, некод оз дивит, — шутитис Марья Васильевна.

Илья Лукич заводитліс пыксыны, ыстысис, мый колө пыравны мамыс да нылыс дінө, но Марья Васильевна эз лэдзчысь. Гвоздөв сетчис.

Марья Васильевна ордын Гвоздөв рытивбыд чувстувуйтис асысө сідз, мый таысь бурджыкыс да лөсьыдджыкыс эз и ков. Тайө вөлі семейной уют, коді шойччөдіс душасө. Сийө любуйтчис челядь вылө — аслас Галечка вылө, коді бабыскөд тшөтш жө локтісны, Марья, Васильевналөн Борис пи вылө, коді велөдчис Галяыскөд өти классын. Челядь ас костас сьөлөмянныс сёрнитісны-вензисны асланыс делөяс йылысь.

Ракина эз вөв Гвоздёлөн олан туй вылын случайно паныдасысь нывбабаөн. Найө не сөмын быдмисны өти сиктын, но и юклісны коркө, пөшти кызы во сайын нин, сөдз любов, коді ори том йөйлун вөсна. Кызы воөн уна ва визувтис. Кад вөчис гырысь вежсьөмьяс не сөмын олөмын...

Марья Васильевнаос виччысигмоз Илья Лукич вежор пырыс лэдзис ассьыс став олөмсö, көть и некутшөм помö ни дорö эз во.

— Көзяиныс гортын?— коридорын кыліс Марья Васильевналөн ёсь гөлөс.

— Гортын,— шуис Гвоздëв, нюммунис да киасьөмөн чолөмаліс туй мортөс.

Марья Васильевна пөрччис руд шальсö, кодөн вöлі көрталөма юр вывсьыс кубанкасö, разяліс пальто кизьяссö да, дзугсьыштөм юрсисö гребёнканас шыльөдігмоз, пуксис улөс вылө.

— Тэ, Марья Васильевна, ёнмөмыд,— шуис Гвоздëв.

— Нинөмысь меным вöснявнысö. Лунтыр ывла вылын, свежөй воздух ас пытшкө кыска, и аппетитөй абу номлөн кодь. А тэ вот вижөдөмыд, тыдалө, ывлаас өмөля петавлан.

— Тэ мый, пырөмөн тшөтш менö критикуйтны? Ошубайтчан, Марья Васильевна. Канцелярияыд меным карцер кодь жö.

— Важөн лөсьөдчи тэ ордö, но некыз эг эшты,— вежис сёрнисö Ракина.

* * *

Гвоздëв оліс кык комнатаа квартираын. Комнатаяс эз вöвны гырысьсöсь. Векныдик коридорсянь веськалан столовöйö, көні шөрас сулалө гөгрөс пызан. Пытшкөс комнатаас — письменной пызан вылын — радиоприёмник, пельөсын — книгаяс тыра этажерка. Стен бердын — кровать, гардероб. Ставыс ас местаын. Джодж югьялө, он аддзы ёг ни бус. Төдтөм морт эськө некор эз казав, мый тані олө өтка мужчина.

— О-о, тэнад квартираыд гажа,— ошкыштіс Марья Васильевна.

— Нылөй отсасис. Пөрччысь, гөстьөн лоан,— прөстөя вочавидзис Гвоздëв.

Час джын мысти пызан вылын руөн чушйөдліс самовар. Илья Лукич вайис коньяк бутылка, кузь кока румкаяс.

— Татшөмнас частö балуйтчывлан?— нюммунис Марья Васильевна.

— Сыктивкарын ньоблі. Онөдз некодлы вөлі восьтынысö. А талун — тэ кузя.

— Ыджыд честь!— паськыда нюмдіс Ракина да пуксис кисьтавны чай.

Илья Лукич тыртіс румкаяс.

— Миян встреча вöсна!

Кыкнанныс серöктісны, чокнитчисны, қюисны.

Гвоздөв юаліс:

— Мый выльыс тіян олөмын?

— Мыйсюрө эм,— мудеритіс Ракина.— Со көть босьтам татшөмтор: колхозö заводитісны локтавны выль йөз. Гашкө, найөс оз ло правильно шуөма «выль йөзөн». Но разнөй кадө, разнөй помкаяс вöсна эновтлісны рөднөй колхознысö, овмөдчылісны бокын: коді карын, коді райцентрын, коді и вөрын, а өні бөр воөны.

— И ме верма лоны найө лыдын?— серöктіс Гвоздөв.

— Дерт, верман. Тэ өд колхозас медся первойя йөз-ыскөд пыравлін. Али вунөдін?

— Эг вунөд.

— Вот мый, Илья Лукич. Ми шуим тэнө корны колхозö.

— Менө?— шемөсö уси Гвоздөв.

— Да, тэнө.

— Думьштлыны колө,— чөв олыштөм бөрын шуис Гвоздөв.

* * *

Марья Васильевна водөм бөрын Гвоздөв бура дыр на бөра-водза ветлөдліс комнататі. Сэссия кусөдіс папироссö, крута бергөдчис, петіс мөд комнатаас, кытчө водіс узыны воысь гөстьяяс.

— Пыр на он узь?— шыасис Марья Васильевна.

— Оз узьсы. Позяс тэ дорын пукыштны?

Марья Васильевна воча нинөм эз шу, но вешйыштіс диван выльысь. Гвоздөв пуксис диван дор йылас.

Гвоздөвлөн став чувствоясыс, кажитчө, өтпырйө уськөдчисны петны ортсыө, весиг лолоавнысö вөлі сьөкыд, быттө эз тырмы воздухыс.

— Илья Лукич!— шуис Ракина, кор кывзіс став висьталөмсö Илья Лукичлысь.— Ме тэнө гөгөрвоа. Уна-

өн помнитоны, мый ми тэкөд том дырйи вөлім друга-пөдруга. Бурыс кындзи, миян костын нинөм эз вөв. Но меным өні кажитчө: ми сэки эгө удитөй кыдзи колө төд-мавны өта-мөднымөс. Но ме пока ловъя, ог вунөд кык морт йылысь: аслам верөс йылысь и пи йылысь. Верөсөс ме колльөді фронт вылө. Прөщайтчигөн сійө юалис сөмын өтитор: кута ог виччысьны сійөс. А сэсся писө окыштөм бөрын чужөмбан кузяыс тюрөбтис синваыс. Ме сылы сэки сеті кыв: лоа вернөйөн, кута виччысьны. И сійө муніс дорйыны Рөдина, дорйыны менө, аслас пылысь шудсө. Мч вөсна сійө эз жалит ассьыс меддона-торсө — олөмсө. Миянөс сійө радейтис медбөръя лолыштөмөдзыс да куліс чистөй сөвествөн. И коді өні вермас оскорбитны сылысь паметьсө? Пиөй ыджыд нин, и менсьым верөс сайө мунөмөс сідз жө донъялас, кыдзи аслас батыслысь паметьсө оскорбитөм.

Марья Васильевна ланьтис. Сійө көть и эз шу весь-кыда Гвоздөвлы, мый көсийс шуны душаыс, но сылы и сідзи нин ставыс лои гөгөрвоана.

— Извинит, Марья Васильевна... Ме, буракө, пемыд вөрын моз воши.

— Мыйла, Илья Лукич? Ме тэнө ог мыжав. Олөмад другыд век аддзыяс. Тэ вөч сідзи, кыдзи сьөлөмыд тшөктө. Сөмын менам тэныд өти сөвет — эн вунөд нывтө, эн дойд сылысь сьөлөмсө. Сійө тэнад өтнас...

Гвоздөв сувтис мыжа морт моз да, кокъяссө муртса кыскөмөн, довгис орчча комнатаас. Сөмын пемыд арся вой кыліс тайө сьөкыд сөрнисө.

Асывнас, кор аслас комнатаысь петіс Илья Лукич, Марья Васильевна вөлі көма-паськөма нин. Ракина казяліс Илья Лукичлысь войбыд узьтөмсө, но эз петкөдлы тайөс. Гвоздөв сідз жө кутіс асьсө, быттө на костын төрыт некутшөм сөрни эз и вөв.

«Важсө эн казтьыв!» — тайө кывъясыс быттө кыкнанныслөн вөзйысисны петны ортсыө, но кывмөн шуны найөс ни Марья Васильевна, ни Илья Лукич эз вермыны, дай эз көсийыны.

МАМ ДА НЫВ

Висьт

Джуджыд керөс вылын пукалысь сиктö муртса кайи. Менам сьöкыд «ЗИЛ» ёнакодь зёлöдчыліс, чорыда сьö-лаліс ас бöрас тшын.

Вöлі турöба төвся рыт. Ме вöлі узьтöм да мудз, ре-шиті узьмöдчыны сиктас. А то он и тöдлы — вугыртан руль саяд да лэччан туйбокса канаваö...

— Лэдз шойччыштны, кöзьяйка!— шыödчи öти ныв-баба ордö, коді сулаліс аслас керка дорын. Сійö шен-зьöмөн видзöдліс ме вылö: тайö ичöтик сиктас машинаяс сувтлывлісны шоча.

— Туяс кö керканым, шойччöй,— шуис нывбаба да воши посводзса пемыдас.

Радиаторысь ва лэдзöм бöрын босьті чемоданчикöс, игналі кабинаöс да пыри керкаас.

— Дядя, тэ шофёр? Ылісянь воан?— порог дорас на паныд уськөдчис меным гөрд галстука, ключ ва кодь сöстöм синьяса нывка.

— Сыктывкарсянь,— вочавидзи ме.— Öни бөр сэтчö муна.

Нывка чатöртыштліс еджыд кöсаа юрсö:

— А ме Сыктывкарад эг на вöвлы.

Тайö здукас комнатасьыс петіс нывкалөн мамыс.

— Пыригкостіыс дядьыслы туйсö Юля потшин, рад-лы, мый гөсть воис. Пуксьöd, мед шойччö,— шуис сійö.— Миянын дядясыс важөн эз-вöвны, а батытөг быдмысь челядьыд век радейтöны найöс. Быдлаö кöсийö волены. И уналаö нин воліс.

— Воліс?..— эг гөгөрво ме.

— Мый йылысь лыддö книгаысь, сэтчö и волö...— серöктіс мамыс да видзöдліс ме вылö. Ме казялі, мый сійö шөр тушаа мича нывбаба. Чужöм вылас алöй ви-рыс, ывласьыд пырöм бöрын, ворсöмөн ворсіс. А ме сьöd чужöма. Гашкö, та вöсна и нюмьялö ме вылö.

Меным окота вöлі мыйкö вочавидзны нюмьялысь нывбабалы, но сöмын артмис:

— Овлывлö ичöt дырйиыд.

— А ми талун Кубаын вöлім,— висьталіс меным Юля.— Сэні менам эмöсь пöдругаяс — Кубаса пионер-каяс.

— Тöда,— шуи падъявтөг да уськөді тöд вылö ас-

сьым велөдчан воясөс. Ме радейтлі жö лыддыны кни-
гаяс ылі странаяс да карьяс йылысь, а сэсся висьта-
лыны аслам ёртьяслы. Найö менö кыпöдлісны серам-
выв. Қолисны вояс, и артмис сідзи, мый мекöд велөд-
чысьяс лоины инженерьясөн, учителясьөн, а ме — шо-
фёр. И öні кодсюрö паныдасясны да первойөн век
кыла: «А, пу йылысь тури висьталысь! Кутшöма нин
овлывлан?» Но, нинöм: и менам уджыс йöзлы колана.

— Ме, дядя, талунья звеньевöй сбор вылын на Ку-
баса пионерьяс йылысь висьталі.

— Юля, тырмас! Дядяыслы колö шойччыны,— öлө-
діс мамыс нывсö, а сэсся шыөдчис ме дорö:— Тіян та-
тшöм дөзмөдчысьыс гортад кымын?

— Ме гөтыртөм на.

— Гөтыртөм?— эз кодь эскы нывбаба.

Ме видзөдлі нывбаба вылө. Сылөн нылыслөн кодь
жö сөстөм синьяс. Тыдалö, шань нывбабаыс.

— Ті, дядя, гөданнуд, мыйла öнөдз эн гөграсьöй?—
ыджыд морт моз юаліс Юля.— Век туйынöсь ті. Некор
невестатö корсьны.

Ме, дерт, эг шу, мый абу век туйын, мый нывбабаяс
менö оз радейтны. Татшөмторьяс йылысь оз позь вись-
тавны нывка-пионеркалы.

Водтөдз ме ещö петалі машина дорö. А пырөм бө-
рын синьясөн корси водан места.

Аддзи гөбөч выв. Сэні шоныд и некодлы ог мешайт.
Кухряын нылыс ни мамыс эз вöвны. Ме пукси виччысь-
ны. И ог төд, кодсö виччыси ёнджыка: нывсö. али мам-
сö, коді посводзын кылö гольөдчис ведраясөн.

Комнатаысь петіс Юля. Ме друг казялі: сылөн синь-
ясыс не сөмын ключ ва кодь сөстөмөсь, но и ыджыдөсь.
Та вöсна кажитчө, быттö чужөм вылас синьясысь кын-
дзи нивөм абу. Нывка пуксис мекöд орччөн, бара заво-
дитіс юасыны:

— Ті вöліннуд Крымын либö Кавказын?

— А мый?

— Нинöм. Сэні быдмöны лимоньяс, мандариньяс,
апельсиньяс, виноградьяс.

— А тэ найöс сөйлін?— юалі ме.

— Сөмын виноград,— неокотапырысь вочавидзис
Юля, но синьяссьыс аддзи: бара корсьö мыйкө юалан-
тор.

Пырис мамыс, муніс кывтас да сэтысь пызан дорö

локтіс тыра кринчаон. Пуктіс сійос пызан вылө, вайис стөканьяс, тарелка вылын небыд көвдумъяс.

— Матыстчөй пызан дорас, юй свежөй йөвсө. Миян сиктын столөвөйыд абу.

Нылыслөн моз жө сылөн синъясыс нюмъялісны, и миян синъясным вочаасисны. Сійө копыртіс юрсө. «Ку-тшөм ме өлук,—виді ачымөс гусьон.— Нинөм от аддзы».

— Свежөй йөвтө, пөжалуй, видла,—сөгласитчи ме.— Ті кө лэдзанныд, ме эськө нывкатө аскөд лэччөд-ла Сыктывкарө, а кымынкө лун мысти бөр вая. Ме куим рейс кута вөчны. Öні өд Юлялөн каникулъяс.

— Төдсаяс эськө көсйивлісны жө лэччөдлыны, да сөмын көсйөм кежсьыс кольлі...

Нывка радысла чеччыштіс места вывсьыс, котөртіс комнатаас... Аски асывнас ми мөдөдчим: Юлялөн тайө вөлі гортсьыс первойсы ылі туйө петөм. Сыктывкарын ми өтлаын ветлөдлім уличаяс кузя, дыр сулалім мича биясөн ворсысь ыджыд ёлка дорын. А ачым пыр думайті: регыд ми бөр каям Сыктыв вожө, и мамыс кө выльысь нюммунас меным да меліа видзөдлас нылыслөн кодь жө сөстөм синъяснас, сэки ми — ме да этійө ичөтик пионеркаыс — кытшовтам локтан гожөмын Крым да Кавказ, аддзылам сылы и меным төдтөм выль каръяс, выль йөзөс да бөр воам гортө, көні миянөс кутас виччысьны сылөн мамыс...

ОГЛАВЛЕНИЕ

Найõ видзõдõны водзõ	3
Нывка вõрын	7
Лолыд кõ радлõ	12
Ярегаса маякъяс	19
Коммунизмлõн бияс	25
63-õд параллель сайын	30
Ыджыд награда	34
Му пытшкын югыд	38
Повтõм разведчик	42
Сьõлõмтõ он ылõд. (Висьт)	49
Важсõ эн казътыв. (Висьт)	55
Мам да ныв. (Висьт)	60

30187

Сергей Михайлович Морозов
КОГДА ДУША РАДУЕТСЯ
на коми языке

Оформление *Н. Ершова*

Редактор *И. В. Изъюров*

Техн. редактор *И. Опасснин*

Сдано в набор 20/II-1962 г. Подл. к печати 27/II-1963 г. 84×108^{1/32}. 1,0 бум. лист.
3,28 печ. лист. (Уч.-изд. лист. 3,2). Тираж 1000. Заказ № 127. Ц00789. Цена 10 коп.
Коми книжное издательство. Дом печати.

* * *

г. Сыктывкар, Республиканская типография Полиграфиздата
Министерства культуры Коми АССР

10 кӧп.